

天啓滇志

滇志卷之十九

藝文志第十

記類

汎舟昆池池歷太華諸峯記

余以辛卯春入滇滇迤東西花事之勝甲子中原而
春山茶尤勝其在昆明者城中園亡論外則稱太華
蘭若焉余時隨監郡諸大夫入省以上巳日道出碧
鷄關去魯城三十里而遙蓋跂指之矣乃問途為太
華之遊循關右箐斗折而南五里至高曉舊有楊太
史用修海莊已廢又一里許適有高臺曲池層樓翬
榭前用五色杜鵑棚之顯構方新也至此遂俯昆明

池余視步無餘皇乃買漁舟一葉令騶人跼蹐臯陸
獨挾一二黃頭郎汎焉池一望五百里瀝西南隅俗
號滇海滇去海遠水傾畝卽稱海下高嶢輕洲淺渚
蒲葦颯沓長過人又稱草海海長廿餘里草中津港
以千數往來繫罌麗而滇余蕩槳其中不復知非山
陰衛上也草窮且挂席出水海水下及余東海一沂
澳而風力差足畏滇中鎮日減西南風春風較在掠
余颿墮水中乃回棹泊焉易筍輿而登漸霽盤桓上
數里及太華山門蓋宮琳宇燦煌金碧倚山隆起擬
千紫霄碧雲之間余右陟飛磴歷龍藏東下黔寧祠
覽其世像岌又陞前雨坪山茶八本高三丈萬花霞

明飛丹如茵列繡如幄倦枕生其下神懔懔後王疑
入石象錦步障也廊右繞出縹緲樓觀海危墻一粟
水勢黏天顏似一碧萬頃然哉夕陽西下大筆踞其
東倒影半侵已素月復流光于上山影爲藻荇攏之
更勝也是夕宿僧榻漏下月色入戶宿鳥驚棲聒人
耳余旅思轉深矣質明緣磻岸磧歷而南遠見山頂
空廬嵌空一如毫盡輿者云羅漢寺也以有石像比
丘而名稍近之一却落居河之康漢者織宿楚以家
傍置官署焉寺尚數千步絕壁上仰視之如欲墮者
盤辟而升計四五曲入寺問南北庵寺後樹金馬碧
鷄碣摩碣乃入南庵立亭看字咸蘄岩簷覆之承以

嵒臺趾半懸外北入南出過一刹廟後問一亭臺廟
爲雷神爲龍伯爲大士爲玉虛師相雜以釋道亭爲
迴瀾爲望海文有趙羽士之塔文殊之岩咸傍海岸
時而驚濤拍空飛沫亦戲佛身也路迴則轉北庵躡
板而上過朝天橋詣老君廟之真武宮最上作玉皇閣
如鵲巢燕窠懸度觀搖雷祠龍井路藉足下益又勝
也二庵者南踈卽北幽峭南庵橫截山麓而過金鋪
綠房足稱近水樓臺北庵搏扶搖以上層層各十丈
轉山椒斗大崖則憩一字焉人側身而度鳥道爾然
北庵雖高僅見草海白蘋紅蓼楚楚有致若南庵面
東南水海風帆雪浪日月出沒其中故大觀也下山

邑令棹蘆舟以還稍具舡舫欲放中流以五兩尚賴
復穿荻浦披魚梁鳴榔擊汰而歸睨西山頂上母壘
之麓適當季昭道得意筆也時水淺舟膠不及過香
花村余行滇中惟金闌二江橫絡其他多積窪成海
如洱海道海楊林海是不一海焉非獨滇也惟滇流
如倒囊服廣而頸隘且迤西北流故稱滇云昔漢武
帝欲取昆明乃習戰長安鑿池以象之至却灰出于
人世麻姑云東海復揚塵也信如斯言則此真滇池
者不知幾更結灰矣

遊安寧溫泉記

張佳胤

嘉靖丙寅十二月廿三日余較士安寧畢將欲觀湯

池先遣丁力拏舟燈柳川厥明遇鹽井觀其鹽官令
竈丁以皮囊汲鹵水據晉常璩南中志云連然縣有
鹽泉近志乃謂唐武德間因阿寧始掘地得鹵者非
是觀畢屏輿從出大界村乘舟順流北行二里東望
龍寶寺隱叢竹中亦蕭遠可喜舟子報郡吏馳騎率
鼓吹追余亟遣去舟中望一山峻挿東北隅兩峯如
削凹其中如筆架形土人因以名山一名公晟山一
名坎山昔僧張善信有異術除妖坎山卽此又北行
五里遇石梁渡故郡人楊少師一清築精舍讀書處
詩文具集中一時名家則李長沙東陽陸上海深李
北地夢陽最稱傑作沿兩岸土人引水溉田堰壩鱗

火舟適若決吕梁水車高翻戲珠成雨似瀑水飛灑
空中又北行五里水回折作曲瓢形煙柳川多直北
流至此迴遠五里還龍山下山川窈窕松石參差
最爲佳境東岸一帶巖石玲瓏上鐫漕溪夜月四字
稍下紅石削起鐫赤壁天成四字皆楊太史慎題也
行半里七洞臨水飛巖峭立五彩絢雜洞口重巒大
似雕藻再行半里至溫泉乃躡舟登其亭飯罷觀溫
池而浴之池水皓潔纖毫不隱四面壁起不煩甃甃
中二石光膩勝玉碧色奪目華陽志云水神祠祀亦有
溫泉顧祠全廢矣浴罷風乎亭上一峯對峙命鴈相
矚覺兩腋間習習風舉余嘗俗驪山香陵渝夾諸泉

類多穢氣逆人鼻楊太史品茲泉為海內第一湯似
非溢美時自丑午聞西岸有聖水一名海眼泉潮應
子午卯酉之候亟渡而西登陸陟其所古木森雲水
自竇中出盈盈潄潄土人謂此午潮至遂名曰聖水
三潮不云四者半夜故不及見爾余曾觀泉華清宮
下水出左右二竅應潮望不爽自是造化氣數茲泉
無足異者又披荆榛南陟一里至漕溪寺寺在龍山
之麓土人一名蔥山草徑盤歷可肩輿上無甚斗絕
郡志云高八百丈周遭七十里誣矣寺殿因山層構
中有楊太史碑文不減王簡栖頭陀之作第四級殿
宇闢麗佛像莊嚴前行十弓許一樓顯殿右植木蓮

花樹青蔥可玩。顧視煙川青蓮如帶。稍東一圍鑿山石作几形。桃李薔薇并架繁雜。道上曝曬藥數石。余呼僧笑曰。僧家有是哉。僧叩首。若請罪狀。余曰。昔支道林好養鷹。駿惜爾無大韻也。鷗出寺右。一泉瀟瀟鳴亂莽間。涖泉散步南行一里許。下有龍洞。造其門下。視深黑不測。寒氣逼人。投石其中。逢逢成響。七八疊而後止。又西南步行可三里。至龍潭。乃水源處。有二穴。穴口多小魚。山樹蒼蒼如蓋。坐樹下飲水。甘之。類瞰平時如波文可愛。指顧太華。杳杳遠近奇峯錯列。杖舄下問之。類皆夷名。甚辱茲山也。歸東南下山。復登舟逆水行。夕陽旣下。萬峯盡紫。西望虎丘山寺。

與大極諸山基布相屬後繫舟登岸里許至寺襟帶
壇柳枕藉虎丘信一靈境前殿榜曰妙果禪院殿制
古麗畫壁精工非時師可及相傳爲唐殿余觀之多
元刹也出山門南望柳中烟樹萬家暮靄如罩遂從
陸歸時列炬在門矣迨暑中追憶斯遊採舟隨流左
右山色應接不暇濯足振衣登高睇遠而梵宮鐘聲
洞口松濤所至奇出俗人志歸惜哉絕域往往好遊
之士無因振策於煙火空翠之間茲遊蓋萬里奇縱
也遂秉燭記之

大理行記

元郭松年

中慶距大理城西顧里有千厓府治一日威楚州四

曰安寧鎮南雲南趙州縣三曰祿品安邊白品皆三
府支屬鎮南而西有雌嶺卽大理之境出行七十里
有甸焉川原坦夷山勢迴合周二百餘里乃雲南州
也州西北十餘里山麓間有石如鏡光可鏡面故舊
名鏡州張氏進求時州北龍興和山忽五色雲起蕭
索輪囷終日不散人以為祥州居雲之南因改今名
又西行三十餘里至品甸按唐史嘗置坡州亦名清
子川其川澤土壤不減雲南而民種蒔爲不及爾甸
中有池名曰清湖灌溉之利達于雲南之楚湖西官
道中有石焉紋如古篆號曰地符行人謹避莫敢踐
之又山行三十里至白富甸其地形南北袤大小畧

與雲南品甸相埒居民湊集禾麻蔽野驟西石岩斬
絕其色如雪故曰白崑赤水江面環曲折經于其中
甸西南有古廟中有鐵柱高七尺五寸徑二尺八寸
乃昔時蒙氏第十一主景莊王所造題曰建極十三
年壬辰四月庚午朔十有四日癸丑鑄土人歲歲貼
金其土號天尊柱四時享祀有禱必應或以爲武侯
所立非也又山行四十里至趙州甸卽趙賧也山形
四周回抱有藏風之勢川澤平曠故象爲木猶有存
者神莊江貫於其中溉田千頃以故百姓富庶少旱
虐之災出州治十五里路轉峯回茂林修竹蔚然深
秀中而建峯神廟在焉凡水旱疾疫祈晴有徽州人

賴之州之北行約數百步地極明秀蒙昭成王保和
九年有高將軍者卽此地建徧知寺其殿像壁繪於
今罕見意非漢匠名筆不能造也出寺門東北行一
里餘有高原號城澄其地空而不畊乃世祖駐蹕之
所也近歲州寨建一佛宇遇旦望焚香祝壽蓋以報
聖恩之萬一焉川行三十里至河尾關卽洱水之下
流也架木爲梁長十五丈餘方形飲水輟而視之如
紅霓然順流而下約一里許有石門巨石橫楫號石
馬橋爲群波爭道之地懸流奔注雲濤雪浪聲聞數
里河尾橋之西有關焉北入大理名龍尾關卽蒙氏
之所築也西眺蒼山東屬洱水其高壁危構巋然猶

存入關未五里山壑濃秀望之蔚然前陳者乃點蒼
之奔衝也諸峯羅列前後叅從有城在其下是曰大
和園亦有餘里夷語以坡陀爲和和在城中故謂之
大和寺蒙歸義王皮羅閣自蒙舍徙河西乃築此城
後閣羅鳳以張虔陀譏構乃殺之貽唐鮮于仲通兵
因自結之吐蕃受鍾王刻石記功明不得已而改號
蒙國大詔德化頌碑使蜀人鄭回製文其碑今在卽
唐代宗大曆元年也又北行十五里至大里名陽直
咩城亦名紫城方園四五里卽蒙氏第五王神武王
閣羅鳳贊普鍾十三年申辰歲所築時唐代宗廣德
二年也自後鄭趙楊段四氏皆都其中是城也西倚

蒼山之際東挾洱水之圯龍首關於鄧川之南龍尾
關於趙賧之北昔人用心自以爲金城湯池可以傳
之萬世及天兵北來一鼓而下良可嘆哉此非在德
不在險之明驗歟故大理之民數百年間五姓守固
值唐宋五季衰亂之世嘗與中國抗衡宋興北有大
敵不暇遠略相與世傳往來通與中國故其居室樓
觀言語書數以致冠婚喪祭之禮干戈戰陳之法雖
不能盡善盡美其規模服色動作云爲略本于漢自
今觀之猶有故國之遺風焉若夫點蒼之山條岡南
北百有餘里峯巒岩岫縈雲戴雪四時不消上則高
河竇海泉源噴湧水鏡澄澈纖芥不容佳木奇卉垂

光倒景吹風噴雲神龍所宅歲旱祈禱靈飢派爲一
水合溪懸絕崖瀉瀉於群峯之間雷雨砰轟烟霞掩
靄城刹散皆可濯漚泝水則源於衆穹涉歷三郡
浮瀟紫城之東北與河首南盡河尾波濤二關之間
周圍百有餘里內則四洲三島九羣之奇浩蕩汪洋
煙波無際於以見江山之美有足稱者然而北却之
人西去天竺爲近其俗多尚浮屠法家無貧富皆有
佛堂人不以老壯手不釋數珠一歲之間齋戒幾半
絕不茹葷飲酒至齋畢乃已沙山寺宇極多不可殫
紀中峯之下有廟焉是爲點蒼山神亦號中岳中峯
之北有崇聖寺中有三塔一大二小大者高二百餘

尺凡一十六級樣製精巧卽唐遣大匠蔡錫徽義所
造塔成錫義乃去中峯之南有玉局寺又西南有上
山寺凡諸寺宇皆有道居之得道者非師僧之比也
師僧有妻子然徃徃讀儒書段氏而上有國家者設
科選士皆出此輩今則不爾而得道者戒行精嚴日
中一食所誦經律一如中國所居灑掃清潔雲煙靜
境花木禪房水瀾瀾脩堂厨至其處者使人名利之
心俱盡此大理之大觀南遊則永昌騰衝北走則鶴
慶麗江周行數千里皆莫若此也

遊點蒼山記

何鏞

自余從事四方則知點蒼為南中勝景然去中州萬

里而遙海內士人所希覲故載記亦缺思嘗擬一至
其地以償嚮往乙丑夏杪報轉滇藩丙寅中夏始就
道間關五溪貴竹之境攀屨巉岈險阻及中秋始至
滇陽故爲點蒼遊也于時有武事又往來蠻署者四
五越月而歲之暮矣乃余轄諸銀場而銀場諸洞半
在迤西遂以督課行部臘後始發浹旬至洱海與兵
憲楊公遊青華洞別有記自青華洞而西踰定西巖
盤歷迴磴望趙州平原過飛來寺見西連大山積翠
屏矗高出雲表山際白雲英英覆冒不散北來大水
如耳如弓環匯山前即溪以來所稱葉榆水今名洱
海云過龍尾關西上支徑轉過巖居人家可里許爲

龍泉書院在風洞之下院左為龍泉寺泉從山來奔
出灌莽前有混混亭小憩下山行三十里至山神峯
桃溪之下入郡城蒞事而分巡蕭君已先至是日酌
于蕭署後樓樓扁生游倚憲對山峯崔嵬如巨靈端
峰東偏見洱水浩蕩蓋于蒼山始識面也明日蕭又
連遊崇聖寺出北門里許西上禪院直觀音峯下有
三浮屠參差入雲漢中者高三百尺其二差小落錯
觀祠前古松青蒼奇秀數百年物也穿祠右上登問
休亭又登老君庵見山南林木佳茂問為王氏靜修
所遂令諸賓度小澗入坐佛堂賞玩前坪山茶花鮮
紅大如盤可愛乃小飲于前閣閣外梭林蕭蕭羅列

可手撫弄頃之下宴于海宇清平臺秉燭行酒望城
門燈火以歸又物外勝覽也開歲之二日雲川高公
戒游天臺寺寺在龍泉峯下從一塔寺西上可三里
見松栢叢茂爲高氏樂丘左上一佛宇亦高所新飾
入武侯祠修謁旣出階右轉達畫卦臺舊傳武侯征
南中顧蒼洱奇麗停車于此數月嘗見玉局峯下五
雲縹緲雙鳳從空飛集乃覽轡躬行荆榛中得梓刻
三皇五帝像乃建閣奉其中築畫卦臺以祭天祭臺
上有三皇祠外小浮屠環列如八卦方位又名祭天
臺遂宴于前佛宮北院院後有迎春花棚高丈餘周
遭可五十武花幹大可合圍亦百年物翌日中谿公

興酌于無爲寺薄午輿過三谷穿松逕西北行過一
村落上登里許渡澗水轉上半里見雪峯矗峙如屏
是爲蘭峯點蒼之第十二峯下有白石溪寺中故有
汝南王記游玉磬碑燬于火山左有曬經坡又有翠
虛臺萬松鬱鬱生殿中小飲出至前院後西向雪峯
引酌移時下入崇聖寺東燭行矣疎翠微堂右轉曲
徑過二三層院上攀雨花臺觀海鶴亭尋松雪深處
乃夜不見雪卽松下布席而桃花夾松間咸以松雪
桃拈詩句爲令以所值飲酒又上五嶽樓談酌至夜
分而下前諸景皆中銘營值以棲隱者向輿蕭游宴
不知佳勝近在籬壁間及今游且徂暮夜豈勝地不

不可得盡探耶天聞點蒼山巔有龍湫名高河周遭
石甃水澄碧無底湫旁四周有五色杜鵑樹皆大合
抱花時如錦城每葉落入水輒有鳥銜去踴躍欲往
觀之而土人謂無路可攀又連日大風震蕩殊爲懊
厭豈登游固別有時抑有數耶又翌日赴莊城趙公
游約循蒼山門城內北轉是爲桂香書院桃花艷發
徑側流水自觀音峯梅溪入城循徑入亭前石欄中
爲曲池欄中石甃方壇壇中爲曲榭回旋水道水行
其中隨流散生浮杯爲樂前爲石臺可立望洱水及
郭外川原故偉觀也北行穿竹徑游一蓮院轉入書
院讀李公撰肇建碑記故知前池乃李別圃因泉使

郭公營創觀游之所損成業以襄美觀卽林木修茂
若數十歲經植者與衆樂樂季亦達人也哉五日辛
酉余南發高大樸陽川楊參軍春以設餞郭外復至
龍關訪雪屏趙中丞遂取道關南循洱海往觀天生
橋甫及石門關而趙公携壺榼亦至接武出石關如行
成臯虎牢皆嶂巉壁可百餘武名一線天為洱水故
道石林古色可吹洞蕭亦險阨也出關行山麓四五
十武回眺石橋穹窿如鑿下斷上連絕壁深塹直洱
海之尾閭又入關口張坐小酌乃緣齒石躡荆榛臨
橋口依梁石而過是在兩山輻湊處中空丈餘水從
空中出而兩崖石各上特出丈許其微不相及處有

一巨石覆掩非神力不可致憑虛凌空可度一人誠
然哉天生之也過橋攀鳥道數十武連樣備孔道是
爲石橋東崖從崖南行里許尋所謂不落梅者乃泝水
出橋外石崖懸瀉數十尺衝激龍石濺沫上起如梅
花四時皆然故爲不落梅從者謂夏秋水盛時特奇
亦天壤奇觀也觀罷與趙公先後至德勝驛于點蒼
山遊覽爲一周耳

遊鷄足山記

謝東山

予少時則聞滇中有金馬碧鷄鷄足諸名山爲西南
壯觀金馬碧鷄乃漢人之所望祭而鷄足則釋迦佛
大弟子迦葉之所藏修也然金馬在昆明池上凡至

滇者近得之指顧間惟鷄足僻在一隅非有事遠西
不得游又山距大理百餘里非甚閒暇亦不得往予
始至滇中適有

詔催徵取礦甚急于是履任甫閱月卽行部迤西及
予至大理而故人戶部主政野庭羅君亦自姚安至
居數日野庭笑謂予曰待公相携爲鷄足遊久矣敢
請卜日以行予曰諾且約憲副東川張君同往東川
以足疾辭而予猶有詩戲促之已而問左右所從往
曰繇海則徑遊陸則迂予曰登山而不觀海非勝游
也乃命有司戒舟楫十月十六日偕野庭早發出郭
七里至海神祠祠前有閣曰浩然指揮某具食閣上

惟時天風拂拂高浪洶湧拍提一小舟搖曳浪間低昂數尺許令人股慄移時風止水波頓息萬頃澄淨頃刻變異如此若有司之者人固莫能測也乃擇野庭登舟舟頗巨而朴堅綵幔蒲汎皆具旌旗鼓吹各一舟從者行厨各一舟翼巨舟而行少焉海氣上騰旭日東升霞綺練光絢爛奪目昔人泛海詩云茲遊奇絕冠平生今日近之矣野庭因問洱海所繇名予曰因水形如月抱珥故名宋人云聞道群江空抱珥是誤以洱海爲群柯江也舟行約二十里抵東岸地名鰲擺居民數百家登岸行二里許日將夕乃止一官舍明日發鰲擺山行二十餘里至下倉兩崖對峙

石勢穹窿如欲墮狀傍有小澗藤蔓覆之惟聞水聲
潺潺行一里許路險且峻舍輿而馬舍馬而步稍平
乃生輿道傍多矮屋跨澗上者則水碓也又數上步
夾澗皆平田循澗行一里有村人家夾道居如市廛
又行二十餘里至白接橋又三里至白石崖崖畔有
庵曰白石又二里至洗心橋又一里至沙埕村時已
薄暮又二里入山前後持炬火穿林薄間予瞻頭輿
中忽聞水聲從空中瀉下如轂雷鳴問左右曰此瀑
布泉也嘆息不及白日者玩以爲恨已而復瞻頭如
前然則土人所稱此中磴盤者九灣轉者十八半從
夢中度矣醒後過白水庵又一里至石鍾寺乃止宿

焉明日寺僧曰東下二里許有大龍潭每潭中龍吟
必有老僧入滅者予與野庭步往觀之潭在巖前幅
幘百餘武步潭邊淺草茸茸水平布草間僅寸許彷彿
若葑田予試踐之浮浮欲陷下僧急止予曰昔有道
人見潭畔有異草前往取之急水湧高數尺道人幾
不免予曰是真有物潛伏不可犯耶行二里至龍華
寺夾道皆古木木杪有絲飄蕭下垂如綠髮長數尺
許土人謂之樹衣登山者多取而佩之又三里至雲
海庵又一里至龍祥寺又二里至海會庵又一里至
玉皇閣州吏具午飯閣下飯畢行又五里至迦葉殿
土人及寺僧皆稱袈裟殿以其聲相近而訛也殿西

數十步有盤陀石上可坐十數人東有楊真人洞洞
在巖畔陟絕不可至出殿後東行一里許穿深谷而
出緩步交離行二三里凡數憩而後至兜率庵又二
里至銅佛殿殿乃近歲所增修莊嚴甚麗予與野庭
共飯罷予擬宿殿前之東龕野庭擬宿殿後之觀音
閣相去一矢許時天未暝乃同步殿西之高堂憑欄
送目指點西巖幽絕處已乃登觀音閣視野庭止所
復踞閣前虎石俯瞰懸崖嘯吟久之而散明日出殿
後一里許爲猢猻梯石芒齟齬偃倮視石罅落手援
足始得進步如此二三里至普光殿則山之絕頂也
絕頂有塔四望見是山之形前出三支後出一支誠

若鷄足巖巖西集點蒼隱約與是山高等而點蒼
巖高蓋彼積雪而此無之是其證也西北望見一山
純白色狀如屏風高際天橫亘數十里予指謂僧曰
此豈非雪山耶僧曰此山去此將千里在麗江境內
山純石而石色純白非雪山也然據古旗志麗江西
北有玉龍山一名雪山雪貫四時玉立萬仞千里望
之若在咫尺與松藩諸山相接豈予所謂雪山者固
是而僧未之知耶還下土主殿一僧洛陽人留食所
具饌頗雜煖松仁蒸栗皆佳品予謂野庵曰此笋蒲
餌也予飽乃行遵山之後趾行二里至虎跳洞又一
里至啓身崖天下一里繇西崖穿石缺而下巖畔有仙

入西棋枰三十三子亦具峽徑多流石歷落擁足下
步欹側不能自持又一里至禮佛臺至此上下皆絕
壁橫通一徑予與野庭各手一節杖側足而行下臨
大壑紆徐半數里曰桃花菁望之若平蕪又一里許
至漕溪庵惟老屋二間三僧居之中有佛像右禪榻
左爐竈予與野庭竝坐榻上一僧取漕溪水煮茶一
僧立榻畔說因緣茶罷行一里至八功德水又一里
至華首門則迦葉安禪處也蓋石壁深入丈餘高十
餘丈廣如高之數又其上石出二丈許如飛簷故謂
之門正中有佛像左有磨崖字刻二處遠不可辨問
之乃石主溪王卓峯二公所留題云又一矢許還至

銅佛殿直至玉皇閣乃折而西行十餘里至三角坊
桃花溪乃遵溪足右趾而行又十里至傳衣寺釋氏
嘗稱釋迦佛一日拈起一花示迦葉迦葉微笑遂授
以正法眼藏而并傳袈裟使傳焉此寺之所繇名也又
半里至福園寺寺視他寺爲宏麗又三十里至賓川
至則大雨如注移時乃止野庭笑謂予曰此雨可謂
知時矣假令當前二日寧不敗興耶予笑曰昔衡雲
開海市見韓蘇二子遽修其說以誇人以今觀之汎
海而風乍息出山而雨始來事固有偶然者不足爲
異也明日至下關又明日至大理予惟昔釋迦佛生
周昭王之世迦葉爲大弟子是時滇中爲西域之境

未與中國通也故迦葉得占鷄足爲道場及二十八
傳而至達磨持迦葉所傳衣鉢入中國大傳至于盧
能則唐之中葉也而其時南詔尚建號稱王與中國
抗天下雖知有鷄足之名然以險隔之故賸欲遊而
不可得方今華夷一統南詔爲衣冠文物之區

國家財賦之府四方遊鷄足者踵接而至吾輩守官
于此令行禁止事少掣肘之患而身無歎掌之勞又
得暇日相與振衣躡屐窮極幽遐之境斯不亦大幸
耶是遊也野庭在山中已屢促予記及還大理中緘
亦以爲言予諾之而因循累月未就也今歲五月東
巡曲靖臥病經旬病起無事乃取山中所創記次第

書之諸不在創記者多出於記憶不無挂漏錯迷今
將錄一紙先寄中谿爲正俟改定之後錄寄野庭庶
幾不忘一時同遊之好云爾

遊鷄足山記

葉榆水東陸行八十里至白石庵見一山聳出平頂
南向餘三方各有山一校蓋一頂而三足故名鷄足
繇白石庵至河子孔過福緣寺不繇洗心橋以路迂
也福緣一名接待繇此上傳衣寺謂此山乃佛大弟
子跋光迦葉守佛衣以娛彌勒補位山頂故有迦葉
石門洞沃因以傳衣名寺此寺世有高僧天機創于
前海慧葺于後故鉅麗不衰也先君與僧徹空建庵

名淨雲院院傍庵所結構皆清幽觀玩久之就宿與
精僧剗空夜話覺從游者衆有妨靜賞屏去大半繇
傳永西南經萬松庵少憩西至華嚴寺主僧真國有
戒德其徒皆率教一山所不及也與談久之繇此北
行里許至龍祥寺又西南行直趨放光寺約四里皆
繇岡脊行澗谷森涼岩壁在望逢人背云此路甚有
眼界如繇古路則低陷無此景物矣乃知此有二路
貴在人擇取耳至放光寺爲常年放光之地土直迦
葉石門以風水向背言之此爲胸臆之穴餘諸庵院
皆在山之肩臂矣舊爲灌莽所據嘉靖丙午余與塔
吳階州懋來游從大頂下瞰見之因謀于山僧圖惺

以田金與之閱十年乃落成余弟元春元期元和各
鑄一銅像奉安焉惺有信力勤儉種植之利足以垂
遠矣余三度來游皆在冬春不見光相此來正當六
月詣巖殿致禱俄傾見兜羅錦雲緬平一白宛如玉
地有大圓光倚立玉地之上外暈七重每重五色環
中虛明如鏡凝觀者各見自身現于鏡中毛髮可數
舉手動足影亦如之衆人同止唯見己身不見傍人
僧云攝身光也有頃光沒風起壑中雲氣散盡林巒
改色鮮妍奪目復出一光如大虹霓然虹霓半缺不
圓此光圓瑩如水晶映物僧謂此光乃佛現也極難
得遇頃吏乃叔同游有老者云昨見平雲上現二銀

船橋枕皆具往來江村沙浦之中如入棹之但不見人然則光怪非一狀也寺西北六十里有化麓等七寺皆大梵刹游人罕至余昔歲曾游今彷彿在目不能往遂登袈裟殿此殿有伽藍神甚靈余初年來游只單騎入山僧多不識是夜此殿鍾不扣自鳴三聲僧起視之重門皆閉不見人謂其徒曰土主報鍾必有異也曙光初昇余至寺門僧迎見顧其徒曰鍾鳴以此也余詢之言然殿北巖龕爲楊蒲仙人修行處又西上兜率庵爲行僧萊闢主所建集僧煉魔今道月居之下失其舊庵北石下出冽泉上下諸庵皆賴之以食又上錢瓦殿主僧圓成所建殿後有袈裟

石青石白如聚沫之制高僧圖清卓庵于其側余
玩生至公臥不解衣人言此處五更見日出驗之信
然蓋雖無難漏然四望沉黑東方未白之時已見紅
光如火燄假寐有頃乃見紅日徑丈許躍然而起須
臾卽漸減小矣此與衡岳日觀峯相似凌晨脫襪著
履上猢猻梯手攀足躋時覺石動而未嘗落足每近
手膝嘗點胸後人之帽嘗觸前人之履然有所快而
無勞苦也梯盡處有大悲閣僧曰且止此處風軟可
以四望過此則風勁不可久立矣如其言班荆而坐
蒼洱塔廟在空濛中如世外壺天五百里外山川皆
在足下卽未登仙亦足豪矣既至大頂晉光殿見去

作精好大愜於懷俯仰今昨追惟存歿昔時玉溪石
大參簡卓峯王僉憲惟賢高泉謝大參東山野庭羅
部使瑤賓巖何大參鏜皆相繼登頂以書抵余曰大
頂無殿其補作之余如諸公命僅建一殿以塞責不
圖今日恢宏至此恨歿者長往存者不在見矣江山
千古登眺須臾勝蹟旣留音容在目因鐫石以記之
出殿而西行於剛風灝氣之中歷虎跳澗仙碁石過
一草庵西南至拜佛石下臨千仞可坐不可立余正
德間嘗築室讀書今故屋在焉回思往事宛如昨日
人已衰頹尚能此住耶辭僧下臺至曹溪水水上有
曹溪庵庵前小坐回望拜佛石令人有飄然遠舉之

想又東有八功德水水出飛崖下僅容一瓢四時不竭世傳羅漢修行處留此聖泉理或然也東行有石竅古老云異人以呪術收蛇在中故一山無蛇又前至迦葉門卽尊者守衣入定之洞天也俗呼華首門聲之訛也高下有二門皆彷彿城門之狀以今觀之若頑然一壁耳野史載唐時有神僧小登者訶門訇然中間入已復閉其語雖若不經及觀記傳所載洞天福地皆在人境內眼不識也嘉靖間有一僧自遠來徑投石門結草庵以居自約苦行住三年滿而後去期滿之夕夢石門忽開中有多僧延之使入見殿宇金碧門上各有金字對聯唯正殿有金鎖不開右

堂衆僧皆默坐左堂如齋廚設供謂僧曰汝勿去得
手僧曰吾有願欲遊名山尚未得住也言已而寐猶
記對照識而藏之世傳竹林寺在匡廬余昔遊匡廬
老僧指曰此處遇陰雨之日忽見一寺金榜白竹林
寺廊下有看經僧庭中有楮竿歷歷如白晝移時乃
面石壁一無所有其事大率相類迎葉門岩半有金
雞泉僅容一盃日有異鳥飲之鳥來必雙至二十雙
而止四時皆然鳥無增減水無盈縮嘗有僧貼壁結
樓取泉自供夜夢神人曰此是金鷄泉爾不宜見擾
明日而樓災遂不復構余與客藉草坐茶罷遂尊舊
路而至玉皇閣一名聖峯寺寺僧天心有禪味遂過

宿明日歷海會庵觀音庵寂光寺千佛閣至龍華
寺此寺殿閣宏麗寺傍庵院十餘所因止宿徧觀焉
又東里許至石鍾寺乃一山總會處寺東稍南有茶
房有瀑布水正東有盞盂寺盞盂北行里許為五華
寺一名小龍潭東五百武爲羅漢寺一名大龍潭東
北三十里有二洞皆名迦葉洞一在山麓二月五八
作會一在山腰草木蒙蔽非土人指似不得其處二
洞各深百餘步奇石萬狀雕鏤巧妙如金為者余昔
遊四方凡有洞必不遠百十里皆造焉觀乎此洞則
余昔所見皆不足言矣至此爲鄧川界遂繇此趨上
關而回路入云初入山繇河子孔以正一路至石洞

林樾雄深正對巖面其石上有古人朱篆至今不滅
余倦不能往假我數年更卜重遊耳

遊雞足山記

王士性

雞足山峙賓川境內山面南卓立萬山之冠前紆三
距後伸一丈若雞足然者佛弟子迦葉奉金縷衣入
定待彌勒處也四周多童岡荒阜不近蒼蔚獨是山
松杉鬱盤雲霞所留且饒多花錦卉祇園寶刹都房
靜室亡論志廣狹無所不潔清修庭除良亦婆娑淨
土云余以行部濶滄渡金沙江緣山百里繇東南支
入始入爲石鍾寺寺東數百步有黑龍潭水涓涓從
封田中流出始寺僧請謂鼓吹通怒雨風立辨余姑

試足故金傳騶撞鉅撼山谷竟白日爲卽世俗之神
其說者類若建右難西爲西竺庵西竺後爲龍華寺
寺與庵咸有傑閣輦起龍華後爲大覺則長安僧無
心所開山也無心送

慈宮大藏至遂留錫茲山過大覺則行穿萬松松稍
篩日影作態陰狀可人又一里爲寂光寺經稱佛居
常寂光土故以名寺西百步爲水月庵半室三楹僧
用周坐園中始泥門半月余倚甕牖擊磬聲起而問
之曰用卽周三界不用寘何處試問你坐闕亦還闕
坐你遂去而之聖峯寺與無心結趺跏論宗門旨分
禪榻宿焉晨起無心請轉關中語余乃自爲答曰竟

無關生我我亦無關生要用卽不是不用仍這箇騎
驢去覓驢覓着無處騎繇聖峯上卽走山中共攀迦
葉殿謁尊者像山自此純石疊縱輿者行磴道中步
步喘息前後人膺趾遞相承以上過兜率庵聚眾石
而後至銅佛殿殿西出側逕可平達華首門東乃走
險上猢猻梯余稚習險竟從梯上梯無路僅僅崖石
礮垂俯深箐絕處架木恍長一丈接之猶非梯也梯
乃石齒齟齬其芒上出廉利倅剗戟承足石芒內竄
其半半踵懸外惟瞰深箐故可上而不可下上亦牽
挽竄縮而升里許方至土主廟則山之巔也入廟西
北指雲間見麗江雪山余從峨眉望大雪山在印度

萬餘里然旭日刺雪光猶彷彿上余衣袂此去麗水
不千里乃點無色或云此白石積成意近之西指則
點蒼十九峯雄據不肯爲鷄足下洱海萬涌其前東
南巒麓參差如風中濤威在杖抵帟哉觀乎亦足雄
南中遊矣循後趾則舍利塔倚廟背迅雷而擊祀之
宣帝釋勅天丁取舍利去耶北一里爲文殊閣又二
里經束身峽流石投足拄杖不能留過石碁盤至伏
虎澗又半里上禮佛臺下一洞風鳴鳴閉陰訝入
寒甚捨之去乃東跨偏厓三里而度曹溪曹溪亦稱
曹溪也水紺碧一泓日供僧可三十餘衆又東二里
嘗入功德水迦葉卓錫處也又東三里而謁華首門

門踞山半石規十丈如半月而簷外垂去迦葉入此
安禪余與無心屈指龍華尚餘八百八十萬年因題
石上云曾記曹溪鉢朝傳夕棄命如孫若爲難足衣
獨守空山八萬期爲報佛恩傳佛印法以明心衣示
信誰解三生同一瞬趙州大棒提在手虛空粉碎居
知否棄鉢留衣總何有還入銅佛殿而下十里轉西
南走入華嚴寺僧月輪方升座轉法華余問爾天上
月乎水中月乎指頭月乎月輪云人心不比月比月有
圓缺余頷之然余謂法華故如來最後授記作佛
心印卽聲聞人不得聞底若一翻小止觀今得各持
橈柄以入復偈謂之曰諦視指頭月護持法華說競

是婆心切應刺鳩摩舌遂五里下園信庵宿八角亭
中用周乃以偈來答余亦頷之月輪又追至庵與譚
龍華事竟夕次日復下接待寺度洗心橋而抵賓川
自華嚴下山松陰空翠掩雲日者又十餘里軼大覺
路輿行其下不覺神思之欲飛也山中寺皆前樓後
閣龍像蹲中僧廬左右列其僧雖未稱了事亦皆持
齋苦行不犯戒律前所稱三僧又其首出者云或云
迦葉足雞足山在西域此山似之故說者昔以標勝
則余所不敢知余之遊以辛卯臘望後三日

遊鷄足山記

馮時可

庚寅錄大覺寺右過萬松深處經寂光首傳二寺可

五里至聖峯寺僧寮弘廓飛甍相屬殿後有閣三重
祀天神一名玉皇閣雖足諸山非怪特崛起則鬱蔥
相蔽而至此忽殿平坡如砥如矢目界開即蓋在諸
山中段高者遠處不能凌逼而卑者皆若拱揖飛舞
來就吾衿裾也繇寺右至彌勒院又三里餘皆度深
林蔭鬱埋藏蒸風凝雲相為結構彌見其幽良久至
放光寺近寺多古木其枝垂條如絲如線土人謂之
樹衣或名龍髯從樹抄發不根土亦開細花登山者
取佩之辟不祥殿後有閣今

上命中涓高登齋大藏貯于上後負絕壁上為華首
門每歲七八月于此放光老僧居此所見放光四十

度寺左有奉子雲入閤時尚相賓主及出門遂爲霧障若避客然遂前有石康憩良久歸宿聖拳李僧有寶山垂垂八十神觀清拔可與譚恨其方示疾不能豎義客問放光謂何余言如來大覺心爲光明藏皆以度衆生苦齋輪中光照閻羅苦兩脅光照人中苦兩手光照諸天修羅兩肩光照聲聞乘頂背面光照辟支佛皆向眉間光照十地中道果頂光則佛極果光者覺之用也衆生迷四忍纏五蓋流浪生死昏昧閉塞于塵坐中何光之有我佛大覺妙湛總持內自身心色相外泊山河大地卽徹無礙譬之太耀懸揭于神天明珠吐輝于慧海高深盡照宇宙皆淨此

堂重或塵沙者所能窺測思議哉以余所聞獨峨眉
五臺遙迎九華少室時有在現豈非三大士及達摩
金藏神通不然即四岳配天曾無光相似此益知如
來宅常寂光淨土超四聖六凡遐矣

遊雞足山記

前人

辛卯細雨如絲氛霧四塞出門行二里至迦葉殿開
山古剎也右土主殿神最靈殿西數十步有盤陀石
可坐數十人正殿後爲背光山出門右轉涉石梯攀
蘿而上絕壁深谷崎嶇嶮嶮懸泉百道喧飀聾山傍
多古木輪困離奇擁腫茂翫其枝幹上縱若虬龍下
蟠若蟒虺交觸若相搏相噬風葉簌簌與鳴泉相應

其巖有頭陀倚岩結靜室廣僅尋丈間無姓名以自
北京來稱北京師居此數年不出經月不梳洗神氣
迥別與語似能解而不解他處如此可數十人不能
一一訪也又行二里至兜率庵上爲傳燈寺卽銅佛
殿繇殿後爲普賢閣一里至普光殿殿後爲普光塔
則絕頂矣初登梯雲忽開撥至頂則雲圍天頂如承
塵四傍盡徹千里在目僧指其下隱隱成抹曰此鶴
慶諸山此葉榆諸山如追如走皆望風遜伏獨點蒼
過擘鷺翔點翠霄漢若負不肯下西北一山純白狀
如屏風僧曰此麗江玉龍山其東有微白而晃漾挾
日色作金蛇以爲洱海也良久雲霧復合了無所見

豈所謂阿閼國一見不再現耶未幾大雨兩三陣始
止從塔左行道甚平睨其傍皆萬丈懸崖有特出更
峻者爲舍身崖如此可二里至文殊閣其前兩岩崛
起相對中復一臺相去各丈許下臨深澗爲虎跳澗
臺上有仙碁石甚方整然無敢爲伯昏瞿人跳而與
仙相奕者從岩間下坡爲蛇蜃皮亦不可輿扶掖而
下爲伏虎庵庵之右一石特起上方而平爲禮佛臺
亦下臨深壑一里至曹溪庵有泉泓澄可數顰髮一
里至八功德水深碧如雙睛皆流瀑所注又一里至
華首門仰窺萬仞絕壁下臨萬仞絕壑從者莫不駭
嘆爲大奇此地迦葉安禪處壁深入而巔垂出如簷

故謂之門過華首門霧翳開豁輕雲如濤奔馬馳而
密雲如絮如席如屏欲顧不顧欲動不動其奇變不
可測如此已還迦葉殿雲團團起作山峯樓殿形其
中遠則豁然盡撥下視諸山及州城蓋蓋卷露諸溪
如線縈青繚白眺望甚適是夕宿微笑閣僧淨方最
解脫棄諸生栖禪于此二十六年與語拔新領異殊
曾人心馮子曰雞足山者一頂三趾故以名是山以迦
葉重久矣余考內典佛說遺教經畢拈花示衆曰
無法可說百萬人天茫然惟金色頭陀破顏微笑世
尊曰吾有正法眼藏涅槃妙心實相無相微妙法門
汝當護持金色頭陀卽迦葉也及佛涅槃迦葉自雞

足奔來七日方至佛出雙足棺外以金縷僧迦袈衣
傳與說偈曰諸行無常是生滅法生滅滅已寂滅爲
樂蓋迦葉所受無上法卽所謂西來直指者也未幾
外道波涕四魔橫恣迦葉卽遣使彌廬山頂擊銅健
椎徧召聖弟子至畢鉢羅國結集遺教云何以法付
阿難遂還難足山入定阿闍世王追至山前其山已
合旣而復開迦葉端坐其中王瞻禮訖山乃復合豈
卽華首門耶是迦葉者傳宗于佛而演教于阿難也
宗則杜口毗邪不立一字教則演音函藏至十百餘
卷胡棲遑寂靜異耶頗珠心鏡非指提莫見宗豈能
捨教而教亦豈離宗耶或曰演教何如演宗然佛以

病法非以法病有言不必落相無言不必墮空無礙
無執語默皆適不然嘿亦病語亦病無得于法而區
區執滯于宗教語默間或黏著泥水或馳騁棒喝皆
亡有是處佛意荒哉蓋余觀于是山奧則陰蔽曠則
陽察林色延清地氣含煖不囂雜而蕩神搖魄不枯
寂而周顏傷趾兵革不及虎狼不來蛇虺不生佛國
禪林無先此矣

遊石寶山記

李元陽

剡川石寶山緣崖多石像有觀音有諸菩薩羅漢皆
若雕鏤然及省其手足指爪剝折之處又皆空洞如
人之骨乃之其為天成又省其空洞之穴皆有鑿痕

反覆辯別莫究端倪噫嘻既示人乃於不可致詰之
中後示人爲於不可措手之處天壤間一設其事如
于編籍中見之鮮不誣其謬妄嘉靖庚寅予與成都
修撰升庵楊公慎來遊憐悉其狀如此高樓不能去
者累日照者指一洞謂予曰此中石羅漢以百計榛
塞不能入悵然而去上至靈泉狀如仰白轡容才水
百人挹取而不減不溢亦不溢旁有紫石履堂濯之
屬下有石螭石犬石羣聽經等異狀天下名洞雖往
往有之然石乳結成彷彿肖似獨此出於露地旣多
而又逼真亦其觀也不山度宿興教寺升庵謂予曰
茲山佛像出自天成然則混沌之初已有佛寺而謂

始于漢明帝然予曰劉向序列仙傳謂松佛書中
得二十四人則中國之有佛不自明帝始也列子學
孔子者也其述孔子之言曰丘聞西方有大聖人不
治而不亂不言而自信不教而自化則春秋時已知
有佛矣嘗讀詩至緇衣好賢則知周之盛世固已賢
之矣何以明之衣緇唯佛教爲然敢予改爲通館授
祭之事亦唯佛門有之然則佛生於周初其徒已爲
中國所賢章章明矣升庵撫掌然之予今別茲山三
十年升庵已物化一日有方外靜室泰安二人持函
圖徵予爲記且曰茲山非復舊觀頽圯已甚父老衰
嗟咸願修復予披尋舊遊宛如昨日恍如昔慨然

興懷追憶往時吾弟元期秀才實從吾遊渠嘗以修葺爲勸竊祿四方宿志未酬其人雖逝其言在耳今諸人果不渝始盟予固領割益之遂書以爲記

重遊石寶山記

李元陽

石寶山在劍川州西南深山中嘉靖丙寅暮春成都楊修撰約予同遊初抵鄧川楊少叢兩衣翁招浴溫泉飲于其家懽甚生上賦詩投贈三日丙辰經浪穹見葭蘆楊柳沃野腴疇宛如江南欲投山寺皆毀垣仆棟不得已就公館宿焉四日丁巳過劍川侵曉入山風威凜凜道路奇險或騎或步日西至山頂遙見層層疊疊如板屋如棧閣者石寶崖也簷底有鍾鼓洞

從遊之士窺而擊之予二人從洞外聽之宛如鐘鼓聲也寺門在望近不可卽二僧來迎挽手而上歷覽洞壑一步一生且駭且訝升階謁佛更折北升石梯至觀音堂又折北磴險捫蘿而上山頂有聖泉從石孔涌出不溢不流時從者皆渴爭先挹取飲百餘人而水不減升庵曰真聖泉也予二人各飲泉一盃殊覺爽健遂繇故道下至僧丈舉酒相勞各賦詩盡醉而宿戊午出山南行望飛崖如廊廡然心甚奇之路人曰此中巖也巖巔雕鏤石佛菩薩之像皆精巧奇特山石皆如蠟蟻狀聞西澗中亦有巖洞及石羅漢然榛莽塞路不容移步悵然久之遂於馬山哦詩

而回然常懷西澗水曾歷覽每以爲歎至壬戌孟春
予偕弟元和子文張才友人楊和泛舟西泝河踰象
嶺觀鶴林寺歷鳥弔山遂乘輿後至石竇此行繇間
道宿村舍路人多不相識一泉一石隨興生臥殊覺
暢適旣別石竇將繇故道向中巖忽有樵者指曰繇
西涉澗所見尤勝遂如其言而行二里許見一石山
藍碧如染逼而觀之宛然一獅子也掉尾低頭如奮
迅之狀一行人皆譁呼驚詫御背可坐十餘人後繇
石獅腹下穿出石澗遙見西溪窈窕崖岸如削立石
如屏方石如屋可以結茅而居計暮景且逼空山無
人竟不能往東行一里石上雕一波斯雖出人爲然

亦前代工也又半里石崖隙處有一石如象折南而
上有玉女泉升方尺滑潤可飲又里許有至舊遊之
地追憶升庵琅函未嘗見此今已下世懷愴揮涕因
賦一詩書之崖壁以寄吾思焉又南行三里有方崖
巖巖巖如藏經溪中水石輾轉兩岸怪石如然如數
如城如壘風行其中有介冑聲令人愀然旣而日下
西嶺不及窮搜村人結松幕相待各把巨觥外蒲三
酌而去

遊九頂山記

王士性

雲南者漢時五色雲現于邑北是邑所得名也邑有
九頂山出郭北二十里山起九坡若禹鑄九頂而列

也九頂故有寺開山僧驟聞天樂下隨覓古佛于洞
中得之而歎也時惟重九余與吳張二憲文伯昆明
還馳而登之出其間都飛泉爭道龍蛇走也手攀木
蒼黃雲遠也天風吹人羽衣舞也涉澗納麓升自岫
頂鼓吹間輟忽聽隔隴清磬一聲梵貝喃喃耳觀開
也己乃攬此一亭萬九衆差樹影中亦見乍沒也生
超然之臺蓋宮琳宇懸構滕卉若蜂房鳥窠累累然
重累而綴也煙雲過絕壁若畫玉右丞山水間以大
李樓臺簇簇然而叢以重巔也罡風響鈴鐸而下青
蘋之末忽復擁秋聲大呼若舉千百刹宇動搖將擲
之空中也迺促酒人出三爵流之以散寒氣流已行

松濤之聲老樹擎雲心十百尺翠色瀟瀟可餐也躡
虎雲之橋探我岩前虛閣度重棧以過軒窗羊首臨
乎鳥道足瑟縮以移也入古佛之洞石竇嵌空琢五
丈士相附以危樓雕欄畫檻幡幢錯繡與朝日共麗
也竭昆廬之殿阿閣三重出西南竇勢逼亥搏羊角
以上靈蹟挾振余與張君席地坐趺跏剎那覺萬籟
寂然與心境微也復循山北摩龍首之塔白輪正午
聲窸窣猶無底止也入洞復生扳黃冠坐酒微緒相
攜而起上三教之樓爐烟裊空袖之以出也吳君脫
舄南下余與張君復趨而登華嚴之閣危梯百級螺
旋而上四盼無所不瞻凭欄少頃意氣灑浙坐石中

起山外莽蒼瑤色亦冉冉隨飛鳥而至側耳聽下方
鐘鼓覺身在鈞天上也既下回首閣端標渺天際恍
然自失已樓過一刹題構新成遙見前邨迢迢隱隱
二三牧豎捲蘆葉吹牛背歸也樓下棧閣走松坪時
已月出高樹牛女之光燭地戀戀不能去也余三人
者撫良辰之不偶念後魯之未期因緣勝名各懷鄉
土吳君則舉凌雲九峯張君則舉湘江九嶷余家亦
城亦思九盤觀海悵然俛仰各有拂袖遐舉之意乃
命余爲詩託之吳君原豫名謙家瀘水張君養晦名
文耀家沅陵余天台王士性恒叔也歲重光軍閥則
萬曆十九稔也

遊九鼎山翠松般若二庵記

馮時可

自賓川至雲南縣縣中道為九鼎山云在頂去縣三十里漢時五色雲現茲邑邑所受者唐代村人聞空中天樂累日不休相與又刈翳楚九洞出焉貴洞有石佛像五軀李因而舁雖經千年古瓦猶在後人重加修復遂成傑觀余自賓川來飯梁王山山故產金塲也雲南令黃應玄來迎與茗話久之因更肩上山數折長松巨石掩映晴嵐望上有棲翼然峙于南嶺嵯峨天際間之名式簣樓良久至招提從山背行老樹擎雲千尺翠色滴滴欲上人衣良久至頂俯視千里遊目無際邑城彈丸如在履舄下前所見式簣

樓卑卑彈伏若朝宗自効者下而入古佛石竇嵌空
令人不衣自煖已而側足捫蘿并毘盧殿上燃燈閣
飛樓棧道穴岩懸壁如蜂房鳥窠纍然重累綴于空
中下臨無地已從石橋右折而度平岡北望九朵芙蓉
嶂嶙峋突兀直排秋旻所架樓閣皆在岩半奇絕哉
繇平岡折而南爲弋簣樓對望北岩如繡壁奇峭摩
天入我掌握可愛也蓋非是岡不能見北岩勝非是
樓又不能成此岡脈闢爲楊曉屏使君建亦善點綴
矣憑欄久之萬山莽蒼暝色冉冉隨飛鳥至已而月
麗長空氣翳盡掃輕寒如水清淒若霜北岩偏愛月
光如瓊山瑤殿而僧廬中十燈陵亂若繁星其南望

則高山起伏如漫水晶宮纖毫可數生平所見月夕
無佳于此然當此佳境天遠人孤雖無鳴梭響練之
聆竊有破鏡刀環之感矣是夕宿棲中明旦下山黃
令請遊翠松庵稍迂五里從亂山中良久始至佛像
莊嚴整麗廷中茶花數十株敵虧庭宇門外萬松參
差翠色欲流又十餘里下山坡歷平田至波若庵佛
燈燦燦金像如生後有傑閣憑欄一望千頃稻花若
一片黃雲其外遠如蛾黛翠色橫亘曠哉斯遊采石
尤泉響洗千秋之耳披萬里之襟何必五岳三城三
里入雲南邑宿官署夜漏發風起林杪謾謾調調驚
醒歸夢披帷擁衾月溜下庭除射影屋梁恍然對所

謂伊人未知在九鼎耶翠松殿若庵耶江東小齋耶行遊臥遊孰夢而孰真也

遊雲龍山記

踰蒙自三十里而遠四山蟠束如轆若蒼虬行天百靈景從蜿蜒飛舞可愕可愛前出數里林木翳鬱拔起如畫路人指曰是名石室中可坐十人又前數十里石岩嵌上而削下有蜂數萬營戶其陽土人利之旁有石洞一鐸啓牖土內平經行者夜宿其中足容百人云有虎豹蛇虺患其前石峯十數草律雲表隱若城壁風松語天半可望不可卽一逕逶迤側入使有百人守之虎士數萬未可傍也其中皆山箐窟數

十奇表數畧兩峯石筍如束草木連蜷雲氣出其間
如白練奇駭詭勢鬼鑿神局不相連屬如覆瓦如巨
鑪如虎噬如龍翔鳳翥如王女靚粧勇夫卓旆千變
萬狀不可殫紀遙睇其中回峯盤固翠雲相盪琅玕
琪樹瑤草文鹿出眇入忽急者必有安期羨門往來
其間非人世也不然則山精水客之窟宅殆有神物
爲之啓閉世有謝安靈運刊木通道奇秘當不在十
大洞天下日晏絕壑火光青熒疑爲鬼燐策馬疾馳
宿小雲龍山下馬牛肩摩尾擊無筭兩山萬石林特
雕玉璚雪白光摩夾甚怪土人鑿山爲峽騎可通南
卽大雲龍山從絕頂鳥道斗絕雲霧間蹉跎數里不

敗俯睨一峯東轉屹若屏嶂可數十仞峭峻尤甚踣
不得展進寸退尺而入雨如雪氈毳不可禦焉瘠樸
痛水聲琅琅山禽鳥囀行間若為予言行不得者地
主皆土酋通羅鬼書土毛倍于小雲龍而奇觀不及
焉嗟夫昔漢武開西南夷議者以為勤兵于遠以事
不毛之地今觀山川之勝土毛之富侔于中土宜乎
王者之無外也

通靈洞記

鄒應龍

夫物有秘而必彰事有聞而必應幽贊神明存乎其
人阿迷郡名

皇輿創始音稱之美孰敢議之頃予以緣遠無良致

勤甲士念即氓心實端端思無道以永戢蓋往愆會
羽書偵報郡南有岩穴數處舊爲通者數予乃輕騎
率帳下士縱獵其場大蒐之溪壑密步行且聚至一
洞懸石宰葺篋譎譎周迴樹根盤拏蚪結藤蘿纏挂
圖畫所不能盡也下有水湧出分兩派注之溪會歸
盤江焉洞門橫可容三四人予去戎服佩珥俯僕木
列數炬前導初入壁偏仄下則水石交砌足踏蹶徐
捫壁登一石磴力躡之上頗寬敞面懸石柱數四重
者倚者植立者變態疊出地皆沙石水痕鱗次氣蒸
蒸如鬱再歷十數步則一孔豁然透天日色目即爽
即又旋繞之如經教堂宇一處更高廣仰視之狀龍

蟠鳳翔鍾鼓懸列紆舒屈曲珠璣乳滴浸淫蜿蜒鬼
怪駭異真奇境也南崖下點渺漂沓火燭之則見橫
流洶湧波驚浪躍汰如奔馬淵泓瀆灑杳不可測志
所謂以石投之深而雷鳴者也遂錄故道出距巖而
立反顧醒然如得問其名曰龍洞左傍石有標題曰
南洞咸謂距此有洞三皆無此奇予俯而思之景與
心會乃進郡守羅子星謂曰此洞名無謂夫有物有
形名以形立斯爲稱情茲洞也在治之南地爲離方
冷然中空靈源貫注一竅天開殆猶人之形合以神
通造化也曷不以通靈名之造化之秘今其彰乎郡
之以靈明著之非開先乎羅守歆然對曰唯唯夫郡

名迷實未迷也迷以形靈以神也然人之靈非山川
不鍾山川之名非公不彰造物固有待焉今群醜跳
梁干紀越常是迷人也田畝蕪于宵警行道梗于剽
掠是迷途也高山流水佳賞者希是迷津也公身率
諸大夫士迅掃氛祲自是士民安堵而樂業象鄒魯
而身孔孟山川生色萬古常新所謂發蒙解惑未足
喻也山川効靈自今伊始名烏可仍舊哉辭未及終
時前軍鼓譟震天歡聲如雷蒐者執俘凡一百一十
有奇遂繫之後乘予厚賞偵者整轡言旋命掌書者
記之

雲津橋記

王景常

雲南城東畎有池曰昆明池之大不知其幾百里也
昆明之上遊其江曰盤龍江之源亦不知其幾百里
也汪洋端激深廣莫測而大遠是通昔有橋曰大德
堽于兵有年矣

天朝下雲南內訌外攘庶事草創隨葺隨鑄行道用
棘今西平侯沐公以爲橋梁王政攸關不大舉無以
示悠久乃命立表識牽石石殺川流捷石菑度丈尺
計工庸錮石趾以斲暴端䟽三門以通舳艫穹窿垓
軋夾以石檻琳琅簇造橫截天塹方軌長驅肩摩轂
擊屹若金隄亘若垂虹行者若履平地焉是役也經
始于癸酉之冬十月觀成於甲戌之春三月凡鳩軍

工以日計之幾萬千以其當雲南之要津故名夫十
月成輿梁古之制也然未有梁以石者至漢以石梁
霸李昭得以石梁洛其來尚矣矧雲南遐邊萬里新
建

岷府輦轂之馳道三軍危衛控扼大藩壑伏百蠻之
地苟無輿梁以觀何以爲名城內地哉西平秦揚
天柔休德凡所以鎮綏經理輿利珍蓄以與前入彌
類如此然夷人得踐大中至正之途捐繩牽索引之
習絕攝衣褰裳之艱釋龜足跛疾之難而隅焉以詳
群焉以趨嚙焉以履歡欣鼓舞以自蹈于夷途繁誰
力歟昔司馬相如橋孫水以通葑都通使節也史萬

藏銅鐵橋以渡金沙利行師也猶書之然通使節與
通輦輦馳重濟甲士與濟國人執玉繇是曳之雲津
光臻前古笑於戲

夫子休德西平布之

天子有民西平濟之巍巍石梁萬賴之矣

南薰橋記

李元陽

嘉靖二十三年正月甲子賓川州知州安莊朱君作
橋於城之南門越三月朔橋成明日丙午州之賓僚
生儒合醉於橋祝爵于侯維時凱風景明其爲士者
歌董風之詩賓白其以南薰名橋侯之惠和其求于
吾土乎乃馳龍津何邦憲書徵靈鷲山李逸民爲之

記其詞曰維天羅城水經其南流潦暴發駛爲怒濤
走若如馬其聲轟雷驚我居人兒童喧騰歸塾以祭
教悍莫敢抗飛旋壞孰究孰思歷載以來寤言拊髀
特維朱君階命陞字爰自溫江蒞我邇阜察其安危
於其未莠剪植茲作燕及黃耆神應以和民生日厚
旣庶而豐民力已充人士是咨陟降是躬乃布王政
扛梁是攻城凡四門維南稱雄上

表奉

制

旌虔是通旬宣勞來襁幘臨戎不有橋梁安示尊崇
仍敝將陋曷稱在公美作虹跨以讓激射爰屋於橋

以防激湍殺水迂流排濤壁石既免傍域之浸漬亦
無作墊之剝激去危就安改泛以翕用利永成匪曰
觀侈於乎維墉言言冠倫是樊維梁平平惠施以存
天子萬祀侯多受趾董風自南汙汙茲水後來其觀
毋替厥美

霽虹橋記

劉庭蕙

今潤滄蓋漢博南蘭津渡云源出吐蕃嵯和甸西南
入麗江度雲龍已折羅岷東流順寧歷車里下交趾
滙於南海岸峻千丈延袤四十餘里僅所稱天塹非
邪世傳忠武侯南征支水渡軍而橋始鼎建潤滄其
遺跡也余不佞輿較西遙登睇其上則見臨江石壁

峭立萬仞想使出陰中群壘氣節凜然若在懸澗怒
濤咆吼如雷聲隱隱有滅漢賊匡復玉象忠憤低回
寓之不能去亡何于役歸不數日許而橋以大圯其
以彼醜之焰不撲將自焚抑物力成虧有數與情形
之順逆適相乘耶吁可鏡已粵惟我

高皇帝平定滇南方內外畏威懷德二百餘年武功
震耀文教倫浹西南諸夷輻湊歸順時爲郡縣乃重
修津梁治鐵柱以爲舟楫更濶滄白霽虹而雲龍竝
峙嚴夷夏之防彰聲教之訖古今稱烈焉承平日久
諸土酋環江而治屈者襲符障靡有二也萬曆丁酉
春大候州奉學掣印謀官借資順寧酋長猛廷瑞廷

瑞者素蓄不執端端虞其及也遂取二橋一日而昇
炎冰若曰示我軍無西意此不亦叛逆駐渠哉且足
覘順逆成虧一大較也太中丞毓台陳公暨侍御賓
廷張公赫然會疏得

朝請曰而其悔禍獻所叛不踐軍師猶生之也不爾
者執而俘之伏斧鑕亡悔猛辭檄使再三不奉詔抗
牙顏行師竟大舉俘達瑞與從逆者露布以

聞

上嘉旣資予有差顧二橋斬然燼餘猶病涉非可以
委土寅射例者因令所部憐兵郡大夫某優治辨檄
葺之而大夫刻期結構徵工之梓若石者若所需利

用物者約金錢以千萬類不動公帑出自太夫以下
郡邑衛伍所損俸俸安諸部民樂施亦可若干工得之
丘甸遠衆不行築者而無弗勉起始於秋神訖正於
嘉平月之十日凡五閱月而二橋告成規峙猶廓焉
再臺且從太夫請易寧虹為永濟雲龍為永定以示
不朽而屬余紀其事余惟天下物力無有成而不虧
醜夷情形無有順而不逆數也虧與逆值成樂順值
亦數也此不繫人事者也惟知進而順之不使復逆
知虧而戕之不使復虧此以人事而回氣數不盡委
之數也釋氏稱世界為劫灰而舍利子能以慈航離
人苦海之外夫人一心爾從逆則灰助順則濟無庸

以數論也武侯一腔精誠蓋不待梁滄江而此心以
利涉矣其計及乎百年之後誌於石託於人感通於
中丞陳公之夢寐紀猛酋焚橋事如目覩侯豈盡識
緯哉其忠順心所相照也故能預計夫逆賊之不免
爲灰劫而又預計陳公之以順討逆其必克有濟也
而示之夢若石意乎予固曰不盡委之數也是役也
中丞壯猷爲憲侍御雅志澄清藩臬都閫諸司認英
共念而即兵憲尤始終其事備加勞動皆以順濟順
永猶逆萌者也繇今觀之橋其果有成虧乎哉其果
無成虧乎哉余樂觀其成用志修攘大者以風來茲
匪徒記二橋顛末云

重修霽虹橋記

鄧原岳

繇永昌北出九十里而近有山曰羅岷其下爲濶澮
江考之漢志有濶律之故楊太史用修曰卽濶澮也
源出吐蕃嵯和甸深廣莫測兩岸飛嶂挿天不啻千
尺岸陡水悍不可方舟其上架飛梁爲橋舊矣邈修
邇燬其詳不得而聞猛酋作難一烈而焚之主者竭
力修建蓋募衆緣而成無何蒲茂再叛大中丞陳公
命率總偏師勦之兵憲杜公監其軍授以方畧軍威
大振賊飛走路絕計無所出夜潛出燒橋欲以斷繇
道而因永昌一夜盡爲煨燼惟茲濶澮在郡治爲咽
喉此北走滇雲道也譬如人身然一扼其吭則手足

拜矣 公曰賊敢恣陵罪在不赦當滅此而後朝食
於是亟檄郡守期不日而成功而前募建時頗有羸
黷度不足則捐俸為大役先巡憲張公割廩餘佐之
二三守相及縉紳三老亦各樂助其成經始於春二
月而畢役於夏六月矯若長虹翩若半月力將岸爭
勢與空闕利涉之功于是為大矣守華君勒石于江
上用示永永則以杜公之命命不佞紀之方春之暮
也不佞以較士往來茲江春水始漲舟楫戒心今幸
睹茲役安敢以不文辭也夫徒扛輿梁則王政所有
事又司險知山川之阻而達其道路古之行師者亦
率用此漢趙營平奏治湟陁以西道橋七十所今可

至鮮水左右以制西域威行千里如從地席上通師
前史以為美談而魏崔亮治渭水獲巨木數十章取
而橋之百姓以為便至目之曰崔公橋蓋濟人利物
知為政者矣况在禦侮是為要害之區因默猶閔何
所不至跋胡疐尾將狼顧不遑前茅慮無若臂指之
相使則茲橋胡可緩也初賊燒橋勢猶猖獗幕府以
為憂公謂賊且困螳臂何足以當車轍乃懸重賞而
購之督戰益急賊窮竟縛其魁戮刈殆盡蓋賊平而
橋亦告竣是舉也不煩院庫之士民毋告勞財無過
費重永利而豫軍興此之為功即趙營平崔雍州無
能為役矣今天下津梁稱巨麗者宜莫如吾閩之萬

安顧所繇不朽則以蔡君謨之記在君謨不嫌于自
叙其績而公乃藉手于葛亮之言將毋令茲橋以公
重也而以不佞之文輕乎哉

南壩閘記

陳文

雲南古滇國其城瀕于滇池東高而望之則商山在
北左金馬右碧雞走壠蜿蜒環抱數百里其間遠村
近落良疇沃壤彌望無極惟窰其南而池浸焉南壩
池之上流距城五里許其源出東北之屈饋昧樣邵
甸諸山凡九十九泉或潰而流或潛而潞或激而波
或澹注而溪焉或山夾而澗焉攸焉汨焉會于盤龍
江至松華壩則岐爲二河一繇金馬之麓過春登里

一絲商山之麓過雲津橋皆趨于滇蒙改氏時過春
登者堤上多種黃花名遠道金陵河過雲津者堤上
多種白花名繁城銀稜河嘗築土石爲堤堰于河之
要處障其流以灌田凡數千萬畝元時雲南平章政
事賽典赤復增修之民甚賴焉今所謂南壩卽繁城
銀稜河之所流也然則此爲堰不通與一時之利而
于經久之計則未聞也惟我

皇明混一區宇雲南特遠弗庭洪武壬戌黔寧王時
爲西平侯奉

命率師平之留鎮其地定以經制昭以威信厚以惠
利俾兵民並力于田畝耕穫不違其時而南壩之修

歲有恒役後定達伯繼領鎮事思弘前緒謀造石閘以蓄洩爲經久利方儲材命工值邊境多事未就其志景泰癸酉今總戎繼軒公迺圖成乎茲贊思庵郵公議定而後會焉時布政司左使賈公按察司按察使李公暨二三同志皆力相也旣而上其事于

朝亦不易其初議迺計舊儲之材增以十倍而凡富人之樂助者亦不拒之仍擇將較之有智計者田凱李振郭進董其後其條畫之出用度之宜則沐郭二公自主之於是釐石爲閘而局以木視水之大小而時其閉縱又因其餘材相閘之西爲廟以祠神之主此閘者其東爲亭與廟相直而春秋勸省耕穫則休

于其中至景泰甲戌八月十有三日始役而以明年
三月一日卒事其所用之工力合之凡八萬二千九
百有奇旣成雲南之兵民無少長皆脫臼自今以始
田不病于旱潦而吾農得以足食者誠二公賜也願
紀其事于石置諸亭以傳悠久二公皆不能止也適
以記焉于余余謂沐公爲足邊之孫黔寧之曾孫也
學兼文武崇德象賢拜右軍都督同知握征南將軍
印以總戎事鄭公以經綸之才弘達之識康方公正
之操叅贊其事累陞至僉都御史兼巡撫之寄相濟
同道以綏靖此方又能興歷代之遺利以成累世欲
爲之志使兵民蒙惠於無窮實君子之事也烏可以

不能然余於是而知二公之所爲當乎古人中求之
晉晉楊叔子杜元凱二子雖鎮襄陽皆能修政立事
以成晉業宋歐陽文忠公稱其功名蓋當世而流風
餘韻藹然被乎江漢之間至今人猶思之蓋思元凱
以其功叔子以其人故二子所爲雖不同然皆足以
垂不朽此乃異時同道同得人心者也嗟二公以道
相齊而同時出治余竊以謂洙公以孝鄴公以德歟
蓋善繼人之志者孝之大善成人之美者德之推行
仁始于孝立功本于德視古人莫遠哉余雖歐陽公
之鄉人而言不足以求二公之孝之德若羊杜二子
之功與仁者蓋兵民少長之心實欲紀以傳也余豈

得已哉

三橫山水洞記

羅元禎

去會城而西幾三十里爲龍院諸村凡八村之田凡
若干頃田稅歲輸縣官凡若干石村故枕山而襟
水水即瀘池池抵村地勢隱起差具傾倚扶節
上游走丸以故池水不可遙引而仰漑村之負山而
田者無論愆陽卽旬日不雨土脉輒龜裂歲輒不登
中歲他境稔而茲境不厭半菽民苦乏村迤邐三十
五里爲白石崖崖故有泉其山形隱起則又高龍院
諸村什九度崖泉可引而東以灌然橫山墻立於前
岸然峭阻先是議鑿山之凹爲渠引泉喻山而東乃

其山石脊而土麓石堅不可鑿議鑿其麓自西以踰
于東五十有八丈村農合力率作紛若蟻之營堦踰
歲訖無成績方伯敬亭陳公以省耕至問焉衆告之
故公曰茲吾事而以疲若等吾爲若成之乃謀諸同
寅計其費可三十金移議御史臺報可公檄掾尹德
先何獻榮劉倂先後繼董茲役曰德先汝往視疏鑿
相度規畫以樹爾功祠可高五尺廣二尺斷木如高
廣之數以支顛圯功成徐易以石發帑儲如議數授
之上下其工之直以廩焉曰獻榮汝往卒德先功曰
得汝其嗣德先獻榮以督諸役之力者不力者已又
檄舍人袁應登佐掾以轄群王應登簡工之不習者

請以礦大代公可其請召朱禎輩二十人以屬應登
余時奉藩政因公往視指授向道分東西鑿鑿幾半
而道不值予當入賀行念前功恐或棄之者公請于
撫臺曹公雲山巡臺許公保字念白政在利民母惜
費毋憚勞其徃督諸掾役毋墮前功各捐贖金佐工
諸掾役矜奮如命道果值寔隆慶壬申之三月十一
日也邇始事庚午凡二歲易掾董役者三掾以直盡
告者五告卽議發先後五發帑發百有千金而訖功
數亭公曰吾何休矣公與時不甚合久欲乞歸會水
洞未成而未決也明日遂謝事去御用陳公維公愈
益振策諸掾役尋以成功報靈寔朗閣祠中可偃蹇

行公復起椽棧尋源引白石崖溝山腰連山奄焉得泉
二十二道蛇蜒縈紆四千一百八十三丈廣盈尺深
踰咫泉抱山而東赴若帶而縮若白龍挾兩偕山勢
俱來若玉虹下飲潛入洞口繇洞而東出噴薄淪漣
涯瀦而渠分村之耕者需濡稼者需漑植者需滋畦
者團者需潤不雨而澤不禱而免于旱稿民甚便之
而得諸公之功乃歆曰橫山之麓可屋可田白崖之
泉可引可沿山麓可鑿伏流潺湲茲麓旣闢不淤不
顛漑我椽檣充廩盈廬我公之績億斯萬年曷組豆
之以輪我虔適鄒公蘭谷來代曹公鎮南服聞所矢
歆予轉今秩侍公之側語予曰古諸侯采風貢于天

子天子受之列于樂官今民謠不頌于樂官亦觀風
者之所采也子職臬史昌采民風受命因叙其顛末
善諸公同心胥成而又嘆諸公之遠識焉滇故金
方境競金銀氣鑿山求者所在霧集山崩乃摩焉
微外蠻夷中產珍石采色晶瑩石故產于井入井以
求繩繫以入往往莫井中亦大艱危矣二物者寒不
可裘饑不可炊俗多冒險沒求而五穀者一日不得
則饑寒至利澤當前藐不起事惟上所率之耳語曰
明君責五穀而賤金玉乃自古記之矣諸公蒞滇聞
以礦告輒報罷而寶貞奉

詔停寢至稼穡所需卽穴重山涯斷流發帑鳩工不

勒功不成不止蓋視民所天不寶玉而珍不兼金而
貴真知輕重哉昔周以農開國召守象法以線避曆
周公賦豳風以諷王而卻越裳氏之貢召公茭棠
以勸農告王則曰不貴異物賤用物諸公之遠識同
召之遺矩也鄒公名應龍長安人曹公名三賜宜興
人許公名太學安肅人皆起家進士敬亭公名善浙
西錢塘人獅岡公名時範閩長樂人同嘉靖辛丑進
士

橫山水洞記

徐中行

漢國古梁州徽外尚疆理所不及屬秦畧通五尺道
而以漢時且聞昆明帝于長安穿池象之以習水戰

後雖為屬郡恃其衆池肥饒多蓄產之富安之泉流
灌寢所以清源穀為通溝瀆以備旱計也自成義侯
造起陂池迄元成陽王輩復為陂池及北田求源洩
永始知蠶桑

明興帝伯陳公乃開昆明橫山水洞洞在縣西鄉源
自城西清水關外龍泉滙為乾海子東行八里為白
石崖十五里為橫山龍院等八邨軍民足墾田四萬
五千畝百餘畝其地高平比之岐峻綠崖磻石不同
泉流不涸旱為焦土有可用溉則沃野也嘉靖乙未
季文溫等開崖導山七十三曲為水凡十三條即橫
山止于若丘隆慶己巳大旱楊應春等鑿丘為東西

洞約穿三十丈未穿者如其數四月公以右使治道
遇之其徒纍纍告疲公憫而省其山以請於都御史
江陵陳公御史內江劉公咸曰此一成為萬世利
乃命官興工洞高廣各三尺有咫莖莖容一人反身
屈膝以鑄用二人遞齋所鑄而出入之彌堅難而解
焉聲冲冲若咫尺東西竟不相植初以九旬為期又
九旬公乞歸人懼弗卒公曰噫乎泰山之雷穿石漸
靡使然也人而鑿空其弗然乎以舍人袁應登視之
乃用門礦夫二十名明年三月公為左使

弗給請於都御史宜興曹公御史安肅許公咸曰功
既垂成費安惜乎之如初九旬又請公謝事不以

請右使長樂陳公攝之又借公帑以給礦夫馬廷弼
乃止其西從東又明年二月八日長樂公代為左使
公曰去志久矣為此而止今未卒業幸諸大夫圖
之教諾越三日公出租數萬人泣留遮道忽傳水洞
穿驪呼若雷而神之公曰亦偶然爾且謂召公將明
農惓惓告周公誠小民秦漢水工鄭國徐伯之名以
傳礦夫繫之一年良苦西鄉萬夫粒食二十人汗血
耳其補助之勿緩官終事者庫副使劉倂應登雖舍
人勞甚其論賞宜優為具奏記惓惓授長樂公而行
凡用不滿三百兩為日六十五旬餘蓋賞省勞暫利
鉅而貽休遠也民共立祠橫山屬余記之徐子中行

曰滇之廟祀自成義始亦有咸陽豈非陂池之澤乎
史起論西門豹之未盡起於徒利導之者耳矣有獨
道之難若冰之鑿離堆世傳蜀江神有之乃冰精誠
所致橫山不下離堆公每旦必齋禱雖舍人亦然洞
穿與行會偶然耶滇田號雷鳴者匪雷雨因秋八却
之有龍泉沛若雷雨矣凡惟岳牧寔代天工以百世
祀豈成義咸陽盡之乎代公治渠股引盡屬長樂公
率土如兩公者可無凶年憂矣公名善錢塘人長樂
公名時範同舉嘉靖辛丑進士先後八年于滇遂爲
左右伯成是冰工云

新建松華壩石閘碑記銘

江和代

萬曆戊午歲漢水科憲副來公請于御史南海潘公
言滇城東北郭故有松華壩即甸之水走盤龍江者
使東注于河河白金校土人呼白金汁絲傘馬麓通
春登里七十餘里而入海沿河腋流以數十里而下
涵洞如級田以次受灌不知幾萬畝也而是壩傾壞
論之非壩則小曠易涸而河不任受畜小漲易溢而
河亦不任受馮畜馮不任則腴田多蕪而民與糧通
河資壩所從來矣第壩故支以木築以土而無閘勢
若堵塹遇浸輒敗歲修費閘司樁錢不貲有司草率
持厥柄力龐而功賸僅同築舍盡費于壩者尚付之
烏有况其不至于壩者也于河矣資焉而亟以歲予

謂壩而不開蓄瀉何時卽木而匪石終深梗耳與其
歲糜多錢而民無利也孰與合數歲之費而甃以石
通以開自開以往若牛舌夫中馬頭皆衝流也胥右
乃固矧地與石鄰夫以畝料至便計也木橋之額累
歲可問非他索也良吏經紀能吏分勞功者賞否者
罰事成設以守時其翕縱而周防之如漕開然此百
世利也爰損助銀一百六十餘金潘公遂損一百金
撫院河源李公亦損二十金迄新院歸安沈公揀
院南昌楊公至申請如前三公皆如議交給以費潘
司嘉興施公聞司金陵尹公扣徵停挖木梅之逋負
者又得四百九十餘金計若鉅若細悉從金出而世

鎮沐公反慨然以近開石山任其株用于是使匠各
如撒起程募健代堅則開口高六丈三尺長三丈二
尺五寸廣一丈七尺五寸牛舌夫中馬頭高一丈二
尺長二十六丈亦尺皆選石之最堅厚者長短相制
高下相紐如犬牙如魚貫而鈐以鐵灌以鉛閉猶諸
槽扁以巨枋啓閉如式東西兩涯之間駢珉壁屹水
龍若控經始予萬曆四十六年七月二十一日至西
十八年二月二十六日告成仍名曰松華閘計費凡
八百七十七兩有零匠作田夫五萬七千餘數力取
諸隙續成以漸時率雲南少府楊公亦復助九千六
金且日日上壩勞以貺布酒食公私爲之改紓而不

勞終始嘗用一人強取一料故功成而人安之時
與三司諸大夫登壩上觀壁如屹如珏河懸懸地有
安流而天不能災是歲大穰諸父老喏嗟嘆息曰朱
公再造我也歸之朱公朱公不有某幸睹成事繆爲
記略而申以銘朱公名荇蜀富順人進士政務興革
利民多若此楊公名繼統秦南鄭人其與有勞者書
之陰銘曰湯湯金校郡甸遡源建瓴忽分東西決川
壩枳而東如龍飲泉爪攫翌張百道蜿蜒割流膏塗
萬畦濡霑土耶木耶昔何闕然蕭蕭帶捍衝歲糜金錢
自公之來嘉興更始亦有施公尹公悉賦成美楊公
承之勤有經紀稟成諸臺現茲永利金石巖巖當其

射激開閘言時其開閘視其泓水弗外派啓觀其
漲水弗內潰每授子農農隙乃至工令行官官厚
其餼再閱春冬經始勿亟乃奏厥功乃位妥既於
郁哉河肇咸陽洪源自公明德廣遠人代天工匪開
無河毋恃絕壘毋易逝波其流可穿其堅可磨蟻穴
必窒如避龜鼉有勛必新毋仍柯斧百爾君子保障
弘多庶綿斯澤礪山帶河

重濬海口記

沈良曙

粵稽瀕池之勝自戰國時屬楚名始載于史冊蓋全
馬碧鷄東西兩山夾護商山北來而環衛于南中則
一大都會其下並受仰甸牧羊山諸泉及烏黑龍潭

萊海海源洛洛河諸水爲巨浸迤袤三百餘里軍民田廬環列其旁而洩于其南稍西一小河又折而北不見其去故又名漬海云是海口小河實漬池宣洩咽喉也疏濬不加每歲夏秋雨集水溢田廬且沒患非渺小先年當事諸公率多載成海夫有編開浚有期爲民之意亦旣殷矣萬曆改元癸酉關中少司馬蘭谷鄒公來撫茲土偶值靈雨連旬水泛病民公用憫惻檄下閩司行經歷陳子指揮王子甚議爰請如前三年大挖例築壩開水分段興工開挖凡念餘里調集指揮千百戶若干員夫役萬五千有奇竹木麻鐵器且工餼約費帑金五千有奇而一壩之費處

至平金惟時郭公復行藩司議明年河中資齋郭公
按滇亦謂事闕勞費煩詳議其秋余以承乏左轉至
滇東西用兵之餘斗米三錢軍民艱食詢詢雖棘且
兩臺節財恤民至意不可不仰體也冬暇新至其地
謀及郡使士庶父老而廣詢之迺之滇水從幽之口
牛舌洲橫于前龍王廟洲塞于中北金道水口風氣
攸關蓋奇勝也士人咸指故道水絲洲左豹山下行
斗之六七絲海門村旁行斗之三四今左疏總一二
耳况下有螺殼黃泥二灘之於冬水落而背露春水
涸而龜昂故工所可加而豹山之下獨宜深濬壩舊
築螺灘上可勿脩越明年乙亥正月適同年旰近近

溪羅公以屯田憲副巡昆陽余亟往迎而咨議之且
見二難經流欲絕羅公因力贊曰螺灘之壩不必築
豹山之下必宜開議遂決復請兩臺俞允疏濬一徹
撈淺之法且併龍王廟而新之爰命右衛指揮孫子
承恩董其役雲南府判勞子日積督之調各衛所州
縣夫什之二乃孫子則固分丈布工論方驗日工
無少曠焉踰月而工竣寔三月哉生明也水復半錄
豹山下行而螺殼而黃泥無復少阻工費官餽僅四
百金視陳子王子循舊三年開挖不啻省什九矣孫
子請勒石如故事余曰嘻是美足哉他日請之再三
辭弗獲已因憶是役非兩臺之憫恤孰與肇始非羅

公之明智孰與贊決抑非得孫子之勤策而董之又孰與綜理之甚密而造工之甚速耶傳曰仁者講功而臺以之天白智者處物羅公及孫子之謂也衆思集而忠益廣用力少而成功多即此小役可以槩大矣後人觀此其於興事考成當必有劃然默會於中焉者遂書以遺之鄒公名應龍郭公名庭梧羅公名汝芳皆起家進士余爲新安方良曙也

湯池渠記

平顯

湯池渠肇始於洪武之內子時西平惠襄侯沐公在鎮以雲南師旅之衆仰給餉饋固備父子用廣開屯田爲悠久計宜良在滇東南當陸涼路南候襟旣置

吳守必謀其食公相度原野舊有溝塍廣木盈民注
流弗遠湯水在旁人不知用砥平陂塹棄爲荒隙不
盡地產是年冬發卒萬五千荷畚鍤董以雲南都指
揮同知王俊因山障隄鑿石刊木別流大渠道洩於
鐵池之竅而伏其衆三十六里濶丈有二尺深稱之
逾月工竣引流分灌得腴田若干頃春種秋穫實賴
實粟歲穫其饒軍民賴之越二年公薨壬寅旣芒種
雨不時降人方爲憂獨宜良水利不竭首畢農事
將較黎老盜追慕公德咸願鐫石紀頌丐銘于平顯
銘曰湯池之渠宜良之利人食以生維公所施我公伊
誰黔寧家嗣善繼厥志奚啻一事渠流汙汙浸彼

通用覆石灰土相輔沃以糯米荒石內列錯若碁置
又山脚前溝鄣流滙合土壅沙塞患在咽喉乃隨地
之高下以濬溝築閘三座以殺湍計費一百五十兩公
不時經行稽其贏縮又益工料一百二十三兩厥功
告成一望如截汴源建委會為安流遠邇近斯無不
如志迺三年之夏徧省蓋隆此邦晏然蒸民謳歌枕
臥待穫蓋數十年所僅見也于是士民喜相賀曰述
彼流泉公為治之終早阻饑公粒食之維茲蕪穢孰誰
理之乎皇新會孰誰開之公開書院髦士以興公
清庶獄枉抑以伸節議里甲民無濫征清理比田師
有餘糧荷公之功沒世難忘于是鄉大夫霍公憲輩

卽事每丈平處一人至二人有沙土處倍之有石處
又倍之凡一千有五百人每五十丈督十百戶每五
百丈督一十戶每五日督一指揮通判等官察其勤
惰以上下其食事三旬而成水通物潤且有地以鄉
計者四以畝計者數百萬以城計者抵城下四十里
過此則潤及阿迷州若猶未已也天之生水與地成
之而人之所以贊之者至是皆無遺憾矣不然則濬
於坎窞湖澤與土石相汨沒卒歸之無用之所而已
矣畏天命悲人窮周公當先爲之豈欺我哉南京監
察御史王明仲讀書于象感而有請且言吾徒生長
于斯聞有湖在石屏未嘗聞有利如此不刻之石何

以垂遠而傳不朽包公偕予方走書以白當道然之
為民事所當重者又重王子之請敬從之

九龍池溝道記

陳善

縣下關取道永昌皆崇山峻嶺鳥道紆迴絕類潰陽
自關坡而作平原博野四望如一箇道逶迤抵于御
城蓋西南一大都會也城西南隅有龍泉山山下出
泉為九龍池幅員僅畝許清冽見底晝夜沸騰流沫
三十餘里積池而西積土築壑導繇南海以資灌漑
先是分為四十一號以通遠通均疏洩然土性善萌
漬決莫固弘治正德間先任憲副林公某議築磚石
自一號至四十號業已就工後因陞代不常無繼之

者每橫泛流溢沮洳爲患前已修治水流不盈溝澮
毋達農夫拱手而成晏然其未獲水利兼受水害及
遭時旱乾農不耕收財粟匱缺官租私券懸罄待盡
蓋自正德以至於今其患非一日矣隆慶元年鄱陽
鶴山鄒公備兵此邦冬十有一月軍民陸京春等陳
牒臺下以修荒溝道爲請公曰吾受命于朝而育斯
人其可已乎乃檄先郡守浦江張公暨指揮趙袞博
詢鄉耆黎老以求至當議定則以白于中丞江陵陳
公曰此萬世利也修隆興恤生人流惠實多俱如議
行公乃動黑白窰六百四十兩有奇行指揮趙袞及
時鳩工範磚採石起五十號止三十六號荒以城磚

田穡勿罹勿勛冬有歛穢公雖云逝我思無替寫石
斯礪憲於萬世

石屏永利記

陳宣

滇南屬部臨安予與憲副包公好問寔子巡其地皆
有責焉時弘治癸丑自春徂夏五月望向旱不雨春
秋所必書者人心驚惶走告無虛日間有言去城之
西不五十里有石屏湖俗稱之曰海若假人力開濬
水可上行惟雖潤及枯藁湖落地至盡膏腴也憲副
王公行之邀我二人望三日偕至湖作謀治貳始金
如玉千之百十丈有奇冷即衛知府王資良指揮龐
松各出民兵共役令之稱畚鍤具饁糧程土物明日

述民之歌屢促予爲記德之碑嘗聞自古爲國以水
事爲重故臺駘宣汾洺障大澤帝用嘉之封諸汾川
鄒公舉數十年弛廢之業完二百年未就之功所以
安養斯人遠矣吁斯池也使在朔方西河汝南九江
作史者當叙入河渠書修渠之功亦宜與西門豹鄭
國竝傳矣今在西南遠徼誰知之者自今永昌稱沃
野無凶年漸至富強鄒公之功也是用假辭勒石以
詔求禩

南供渠記

楊士雲

蓋潁河左爲大溝引水而北者四右爲大溝引水而
南者二因名爲交溝以注田者不計焉田爲畝餘五

萬賦爲石餘五百戶爲百有五十居爲千餘室河之
利溥矣而恃以爲利者龍泉耳龍泉以南爲高阜曠
可若干畝勢豪關利欲橫截泉水而田之在正統中
爲土酋成化中爲守禦弘治中爲豪民某某長康民
以逼我流輒訟之諸弗得逞正德庚辰有豪民者種
故習剽同謀詭辭于府乞墾田輸賦里中老戡得
賂報可遂給印帖發版冊民泣懇者相屬也前守吳
君以徵入弗及改判豪民者復詭辭于藩司誣衆傾
已下府覆之新守王君得其情嘆曰此地此水果可
以利昔人當先爲之矣美瑛今日哉夫以數象之利
而亢千萬畝之良忠一夫之奸而貽千萬衆之戚何

忘哉迺追帖削丹威服其辜民歡呼相謂曰微我公
南旬其策矣夫入之効尤者亦永有懲哉謀于鄉貢
生趙德宏國子生楊懷玉輩紀事于石請予記於戲
民非穀弗生穀非土弗殖土非水弗滋故禹謨六府
洪範五行皆水居先而後世河渠書溝洫志加詳矣
蓋善爲民者所以興水利也涸也爲之畜引溢也爲
之分泄廢也爲之修復又患民之爭也則爲禁令所
以禁其爭也抑豪強而已矣昔關中仰鄭伯二渠溉
田而豪戚壅上游取利奪農用李悝筭請皆撤毀唐
史書之輝映簡策非表其爲民者耶南供之利白
渠之類也龍泉之遏上之壅也曠土之利百磴之

類耳惡可謂小而極大耶王公之意固李若也是宜
審然李以高才擢給事才挺不屈出刺常州治行卓
最君亦以給事言事補外稍遷臺省茲子鶴多善政
隼風節治績亦李若也又宜書君名昂字仲顯四川
廣安人起家弘治乙丑進士玉屏其別號也

西龍潭記

馬卿

鶴慶有水曰西龍潭出郡西覆盆山或曰龍潛焉故
名東澗諸村心歲七月九日即率吏民祀潭神徧望
境內山川築室于南山之椒修祀所也府治前故
縣然正德元年耆民楊壽延儀開渠引水知府劉珪
允其議乃于潭之東南開二渠一至府前曰南清渠

一至坡頭邑曰北清渠民利之然東瀕諸村者水道艱農時上流專其利而下流後時弗藝嘉靖四年予謫守鵲慶明年秋率故事禮神畢僉以乏水告予乃陟降原隰視潭下山勢環抱曰是可築堤以積水又顧山形頓而復起三臺隱然臨于潭訐曰茲惟山水之交風氣攸萃可以祠詢于衆二三耆舊外盜種其地及上流者交阻之予曰疑事無成吾事決矣乃令計畝程工築堤障水以千戶李瓚百戶王翰驛丞周寅耆民楊壽延等董其役以十一月始事正月告成故西龍潭為上潭東北為石閘以通流曰普利閘又一小閘為捐流閘新開之潭為下潭名曰龍寶深二丈

餘周五首吳提曰萬年高一丈五尺闊二丈長六
丈為石閘以蓄洩曰永固閘五尺下為石池池下
之閘曰會濟東分一小閘曰波流山故為金燈故曰
考臺建祠于中臺曰禮神移故室于南臺曰齋明建
亭于此臺舊樂亭樂指揮趙贈又建亭北小臺曰觀
澗山下為坊曰考臺龍寶右神利民既成明年春
蒔秧者水具足古所謂民不可與慮始而可與樂成
信夫予懼後之有爭也因定蓄洩之法擬田之次以
示後云

黑龍潭記

陸龍棟

予家山中喜農事有薄田數十畝相度迂宜樹藝橡

稽凡水泉可及遠者率鄉中子弟濟導無遺焉蓋雖
勞而發生暢茂之趣亦自有可樂者嘗以為苟得子
民之職亦當如此矣初知河間河間為古九河下流
水聚而土潤既築堤以障狂濶復分流以灌濱河之
田數百頃既而移知鶴慶乃詢郡人之在都下者余
曰郡有東山河河東田資以灌觀河西田則惟龍泉
是賴龍泉凡十餘所而黑龍泉之利物居多凜燕郡
西南宣化山下經行溪澗皆有泉迸出處高則澤可
以及遠通至即將首圖之二守張君君用已命百戶
劉儀輩與此役矣因督之亟應授以成策再閱月來
告成遂偕君用命駕溯流而上溝間廣五尺深三尺

許遠山之曲二十有四約三十餘里跋涉險阻攝永
攀崖艱難萬狀而後至潭所是年惠風拂面麗日當
空命從者舂糗米雜纖草驅龍石而潭風景益奇蓋
咸淳三月九日也潭北趙欽鈞等請立石勒石以垂
永圖利物而分徒豪右其敢有窺竄者未於戲古不
有信驅民南畝而後民可使富然雨暘不能以時旱
澇不可無備松斯而不爲之處雖有愛民之心亦為
徒善而已矣昔安定胡先生教授子弟卽設水利齋
議者以為有用之學况夫有子民民責者獨可不念
及此耶今吾輩坐彌十堂而吾民亦鬼于饑寒其心
樂乎不樂也然則茲役也將以利于民也茲役也將

以樂其利乎民也是爲記

敬思堂記

程本立

皇帝卽位十有五年大兵平西南夷而黔寧王鎮之
旣十年黔寧薨

皇帝以其人之不忘黔寧也

命嗣侯歸鎮初黔寧之薨有歆之者曰孰爲我父孰
爲我母無母矣居無父矣拊天夢夢乎莫恤我窮乎
及嗣侯之來有歆之者曰于歆于歆是耕是耔維秦
維桀以饕以鯀我有父老先生之子噫孰謂夷狄不
可治耶然人知夷狄之可治而不知所以爲治知所
以爲治而不知所以出治出治者何道也道以出治

學以明道靜以成學其熟寧乎胡以知以簡重沈
默而知其靜也以尊信太極圖西銘而知其學也如
是則於治西南夷也何有嗣絳若曰我考憂勤惕厲
於茲土有年矣兵食之不足思所以足之民生之不
遂思所以遂之遠者思所以來之汙者思所以新之
簡節疎目思所以安之需仁洽恩思有以樂之蟲蛇
驅之豚魚孚之我其不敢不教共朝夕以思無墜厥
緒無替

聖天子之命哉于是名其燕居之堂曰教思欲其身
在是而有所警于心也愚竊惟續孔孟傳于千載之
下者宋周元公也于元公見而知之者張獻公也微

斯人太理不幾乎息乎大極圖萬化之源也西銘聖
殊之一貫也聖人定之以中正仁義而主靜大極圖
之要也天地之塞吾其體天地之帥吾其性西銘之
要也斯爲先王出治之本矣堂不爲嗣後繼志之本
乎本之如何教以存之思以擴之而已武王聖也克
殷而問箕子以天道踐祚而問師尚父以皇帝額頤
之道箕子陳之以洪範曰教用五事曰思曰睿睿作
聖尚父告之以丹書曰教勝怠者吉聖學不在教乎
太極曰君子修之吉則教勝怠者吉之謂也西銘曰
乎時保之乎之翼也則君子修之吉之謂也通書曰
無不通生于通微通微生于思思者聖功之本也又

所以釋洪範之言也是故教思之體爲甚微非求諸
先儒之說無以知教思之用爲甚者非微謂先王之
烈無以見學先儒以立其體法先王以行其用焉入
焉三分以福天下惠于嗣候固企而望之

石梁精舍記

李夢陽

昔周子起濂溪之上倡明其學天下宗焉其後自濂
徒廬山遂名廬山之溪曰濂溪名其堂曰濂溪之堂
堂今天下之學宗我師楊公而公亦自安寧右梁渡
涉鎮江于是築精舍于卯橋名曰石梁精舍嗟乎事
固有偶同者非謂是哉思往觀眉山蘇公懷陽袁山
欲涉之蓋卒不返眉山今其墓在知鄧之間曰小我

眉者是也愚謂其特文章士不足法及觀周子自濂溪涉廬山則又訝曰茲非有道者爲邪蓋天壤間物無常主自吾之所自出言濂溪也眉山也石淙也固吾土也自天壤間物言吾安往而不得主邪嗟乎古今人用心豈異哉愚不佞少幸從公游以故得竊聞石淙焉石淙有虎丘之丘曹溪之溪螳螂之川自昆明池來者奔流千里其地崩端激石兩崖菰葦交合水汨汨循其間冷然金石之音故曰石淙石淙視二子故土吾不知其孰愈乃若丁卯橋眉山帶江據東南之會上游之地其泉石巖壑之佳要不在廬山陽羨下也陽羨姑置勿論且廬山其志矣爲者耶顧平

出柳不見於世今公際

明人子後茹嚮用功著遠徵頌名曰夷利澤在社稷
天下其還也登橋据水匡坐石磯不一再吟嘯去矣
故余焦大江之雲不能奪京洛之塵而耳露鵲林之
情不能已龍波鴈塞之行也惟思君子堂以此易彼
哉故孔子曰樂則行憂則違之夫廬山堂固漁溪
意和愚不佞徒及公之門力不足濟流楊波南瞻石
梁特望洋耳是何敢言記

碧峴精舍記

楊慎

滇海西作舍舟登陸谷曰高橋稽之古志橋實白澆
以山形似秦峴閭受此稱高峴與碧雖相望如箭括

毛東鎮人有別廬在其下精舍之類錄古足白碧峴
慈獻疑於揚子曰茲峴也沂知之沂號之知俗所不
知易諸已諸揚子曰無易仍爾已君子則人以雅不
以俗待人以博不以陋昔者孔子之作春秋也經書
善指吳名則伊緩也經書太原狄名則大國也經書
蚡泉狄名則矢胎也穀梁子曰孰從中國名從主人
范甯曰物類地形當從中國至於人名則從本俗楊
子讀而證之曰大邦孔子辨物焉名與哉穀梁啓蘊
發隱號從中國故去大國伊緩矢胎而從太原善指
蚡泉也名從主人故介葛盧戎曼子皆不焉矣慎姓
年說簡史局細書藏室見說戰中有請以春秋而漢

地方解詁既從其請更復書其事

皇祖之謨春秋大復古之意也慎自執我于漢無愧
物類與地形名失之陋俗若噪噪而為碌碌之閭而
為呂舍金浪巔之為丁雷丁淵滄注之為淮滄江也
不止境之為極耳有言既訖即忘理環盡居承雅俗
而博陋之心為盛世一統而同文之意乎東鑲于春
秋專門其學而又以世族閱子明習當世茲足也固
雅孤博陋之濫觴辨物正名之泰石典因注而志之
若人臨晚邇聽之天蒼蔚清冷之興卷中得賦者則
備矣

可貞堂記

虞泉鳴

雲南方節婦曹氏所居之堂曰可貞鄉大夫士為其
子矩名之者也節婦本宦家女歸方公珮甫數年年
二十九而寡舅姑无且衆諸子皆幼不更事家政最
委節婦夫不二志去容飾薄滋味痛自摧毀躬事紡
績以供饋養凡喪葬婚嫁極力營辦不足則脫簪珥
為之歷寒暑二十餘足不出門閭而事亦畢治益方
氏世有武廕公珮未及嗣長子政亦早卒至是次子
敬襲指揮使敏為義官而矩習舉子業方嚮庸建節
婦泣謂之曰吾不幸分當死所以不即死者以爾輩
在爾輩各有成吾他日庶有以見爾父于地下也私
治初有司上其節下禮部覈實

詔旌其閭曰貞節後二年節婦亦卒年五十有三而
已後敎以軍功進都指揮僉事獲贈公諡如其官節
婦為淑人矩矱進士歷官禮科左給事中擢山東布
政司右叅議其一女適都指揮僉事李增門戶貴顯
倍於往昔而斯堂固存大人士又從而賦之多至若
予人予觀易之坤曰含章可貞可有三義不可不與
與如是而後可貞也地之承天机不外見而永載發
育歸于有成非有正固之德含章待守久而不變莫
之能也臣之于君婦之于夫也亦然節婦之志誠懇
矣然使常時意氣所激決于一死則號咷諸孤將無
所以為命况望其藝學之成就譽聞之揮赫家業之

焉其大如此哉此貞之德所似不可無而亦不易感
也且敬之在師聞方運籌効力期立功萬里外而距
又慎官守勤民事教

天子惠澤于一方文武之務各分其職殆無負乎爲
人臣者其有得乎含章之教矣乎予又聞公珮通書
史敦行檢嘗還遺金三百兩人稱其義而以婦節提
之有義節繫行于世詩云刑于寡妻然則節婦之刑
固予是予在矩矱禮部所舉士也請予記名堂之義
故題其所自出者言之

優游堂記

李夢陽

張生之還滇也復過太梁之墟而見北郡李字李子

問曰生何志張生曰舍也願為古之優者竊然業
名吾堂矣季子聞之蹙然而嘆曰噫舍乎噫舍乎張
生曰先生何嘆也謂舍竭精以探曠邪乎藝以俟庸
扣艱闕險阻身屈而氣振與優游者殊邪謂驛驢既
羈世網終嬰之邪抑桂菊秋榮惜其後時而頽也季
子曰上世君逸中世民逸民逸則賢隱賢隱則官曠
官曠則君勞是故先王之治天下也立賢備矣然猶
懼其遺也于是弓旌有招蒲輪有迎夫然後賢者各
以其位故采菽之章曰優哉游哉亦是矣言君之
獲臣也臣獲則君逸故卷阿之章曰優游爾林侯臣
或弗合去則君追之還故白駒之章曰嘖爾優游斯

何也於文優以足訓遊以適稱優游者自如之名而
逸之義也使人自逸則君無與官故曰慎爾優游夫
含少而達名于

朝髮與衣白竟優游以自高斯空谷逍遙之計非爾
公爾侯之招也予是以嘆張生曰含文之得之未得
有命夫孔子何人也然猶曰優哉游哉聊以卒歲含
美足云

清虛閣記

吳堂

辛巳八月既望携酒挾客飲于清虛之閣是日也潦
盡水清露收山深雲容淡而夷與霧氣涼而剝落稔
黍遍臯畝之雲黃萼苻布方洲之釵錯金柄擅司署

權傾卻舉孟相屬于焉是樂客有似放生者規中矩
衣長揖而前揖觥引蒲再醺而言曰天地設位乾坤
以寧川融山結距古是存羲皇演畫禹箕範疇不有
斯文孰闡厥幽惟茲鶴慶古設夷方

聖明皇皇乃理乃疆乃冠乃裳文教誼教南國之光
選良任牧治具畢張然則一方文事繫之君侯久矣
命詞比事非君侯其誰哉謹接閣跨白龍祠山麓祠
上山數十里最高一峯名金山頂下為白鷺山蒼若
鷺鳳萃于祠其源遠莫測至祠下而泉百漈為潭故
謂之白龍潭舊有閣卑陋弗稱乃全命百戶毋昂
王瀚特新之材出衆願不費官帑閣面東侵入潭三

丈許高約過半欄楯周匝窗楹掩映左洲右石羣飛
跂立石竇巍然其前瞻漾工委蛇而還合攬群采之
續紛挐秀其雜沓矧清秋之佳致超四海之恢廓
已而倒影沉碧迴光侵閣風靜晦生山空木落猿蹻
樹而哀鳴鸛淚空而聲霍氷輪半側皎兔影躒扣舷
下鉤錦鱗尺躍斯則閣中一時之大觀也諸君然與
否與衆皆額額遂命酒各數觥書以為記

通志卷之十九終